

1 Korin

Pas mamɨ Por ai Korinɨhündambo sürü papɨmarandɨ

¹ Ro Por-anahɨ God aiyu wambo Sisas Kraisindɨ hoafɨ semindɨ horambohünda kafaore hinɨngi-mareandɨrɨ.

² Wandɨ wandafɨ Sostenes-dibo nɨmaremboanehɨ Kraisindɨ nendɨ Korin ŋgoafɨhü amarei sɨheimbo pas nda sürü paparɨhandɨ. God ai sɨheimbo Krais-dibo nɨngombohünda wandɨ yangɨr-anei yahu hinɨngi-mareandürɨ. Ranɨyu asu ai nindou munɨguambo sɨhefɨ Adükari Sisas Kraisɨmbo dɨdɨbafɨyei arɨhündɨ ranaheimbo ai-babɨdɨmbo nɨngombohünda kafaore hinɨngi-mareandürɨ. Adükari ranai ana ahei asu sɨhefɨ munɨguamboani.

³ Ape God asu sɨhefɨ Adükari Sisas Krais ai sɨheimbo moanɨ hɨpoambo-ndɨneandürɨhɨ asu ŋgusüfoambe afurɨfembü hohoanɨmo mbɨsabɨna-ndüramboane.

Por ai Godɨmbo hɨhɨfarürɨ

⁴ Sisas Kraisndɨ sünguyu sɨheimbo God ai moanɨ hɨpoambo-mareandürɨ ranɨmbo-hündambo-anɨmbo asu ahambo sɨheimbohünda munɨguambo si hɨhɨfɨrɨhünü arɨhandɨ.

⁵⁻⁶ Kraisindɨ hoafɨ ro sɨheimbo hoafɨmehündürɨ ranana sɨhei ŋgusüfoambe ŋgɨnindɨ nɨmarɨndürɨmboane. Se Krais-babɨdɨ anɨboadei ranɨ-süngu God ai ahandɨ

hoafi hoafiyorambo asu ahambo fifirifembo moatükunî ra siheimbo masagadürî.

⁷ Ranîmboanei asu se sihefi Adükarî Sisas Kraisi ai weindahî tüküfemboayu ranahambo himboyeihî asu se-ana moai Yifiafi Aboedîndî-mayo moatükunî ra mbonîmbo-rîhümündî, nga wani.

⁸ Asu ai siheimbo ngîniîndî kîkîhî-ndamündündürî nünggu ngumbo bidîfiranî si asu ai kosîmbo tüküfiyuambe ngîrî se hütîyei mbüsu.

⁹ Asu ai nîni-moatükunî hoafayu ai randeambui. Ahandî nîmorî Sisas Kraisi sihefi Adükarî-babîdî wudîmbeyeia yahuhayamboyu ai siheimbo mborai mehündürî.

Kraisiîndî nendî ai yikürübümehindî

¹⁰ Wandafî mamî, sihefi Adükarî Sisas Kraisiîndî süngu siheimbo hütî hoafayahandürî. Muᅅguambo se mamî hohoanîmo ranî yangîr-anîmbo hohoanîmondeî. Nga asu se yikürübündeî wakîndîhimboyei. Se moanî mamî hohoanîmo süngu-anîmbo moanî mamîmbondahi nîmboei.

¹¹ Wandafî mamî, nîndou bidîfirî Kroendî worambeahîndî ai hoafîmehündürî sihei mbusümo simborî hoafî hohoanîmo engoro ranahambo.

¹² Awi ro ndarîhe hoafayahi: Nîndou mamamî se ranî-poanîmbo ranî-poanîmbo hoafîyo hoafîmayei. Ngorü ai hoafîyohü yahoya, “Roana Porîndî süngueheandî,” ngorü ai, “Roana Aporosîndî süngueheandî,” ngorü ai, “Roana

Pitandi süngueheandi,” asu ngorü ai, “Roana Kraisiñdi süngueheandi,” rani hoafi hoafimayi.

¹³ Asu Sisas Kraisi ai yikürübü-reandeimbiyu? Asu Por ai siheimbo-hündambo nimi keimbi karihendeimbiñiñi yifiyuwai? Porindi sünguriñoriñihündeimbiñmboyahi hundüriyeyi-ai?

¹⁴ Ro moai siheimbo ana dabo hundürihandüri, nga Krispus asu Gaius ahafaniñmbo yangriñhapiri hundüri-marñhapiri. Raniñmbo-hündamboanahi ro Godiñmbo hiñhifariñhüni.

¹⁵ Raniñmbo-hündambo-aniñmbo nindou mamai ai ngiriñ wandiñ ndüriñnambo hiñmoniñ hundüriñmayei mbüsü haya hoafiñdu, nga waniñ.

¹⁶ Awi yiniñ, ro Stefanosiyu asu ahandiñ fikimiñindiñ aheimbo amboaniñ hundüri-marñhandüri, nga nindou amurambo hundüri-yondüriñmbo ana, moai hohoaniñmoyahiñ.

¹⁷ Sisas Kraisi ai wambo moai nindou hundüri-yondüriñmbo koariñhendiriñ, nga aboediñ hoafiñ ra bokariñhefembo-hündamboyo koamarñhendiriñ. Nga roana, fifirundeimbiñ nindou tikai hoafiñyomo arundiñ nahurai raniñ hoafiñ moai hoafiñya riñhandiñ. Raniñmbe-mbonana asu Sisas Kraisiñ nimiñ keimbiñ karihendeimbiññiñiñiñ yifiñmayu ranaiñ nginiñindiñmbeyu-poaniñ.

Kraisiñ ana Godiñdiñ nginiñind-aniñ

¹⁸ Sisas Kraisiñ nimiñ keimbiñ karihendeimbiññiñiñiñ yifiñmayu hoafiñ ranana nindou moaruwaimbo-femboayeyi ranaheimbo hiñhindiñ hohoaniñmo-anendiñ, nga asu nindou God ai aboedambo-reamuneimbiñ siñhefiñmbo ana raniñ hoafiñ ra Godiñdiñ nginiñind-anemuniñ.

19 Bukambe yare hoafi+yowohü yahoya, “Hifi+nindi ndor+hi hohoan+moyeimbi+yei ndofe hohoan+mo ranana moaruwaimbo-nd+heandühi+ asu nindou hifi+nindi+ aboed+ hohoan+mo-yomondeimbi+yafe hohoan+mo ra gig+ranambo-nd+heamboyah+,” meho.

20 Refe-anasi asu nahi ndoru hohoan+moyomorundeimbi+ man+ngomoa? Asu ah+nümbi+ fifirundeimbi+ nindou amboan+ nahiyomo an+ngomoa? Asu nahiyomo hifi+ ndan+hündambo s+imbor+ hoafi+ nafiru-rundeimbi+ an+ngomoa? Nindou hifi+ ndan+hü an+imboei ranahei ndofe hohoan+mo ranahambo God ai h+h+ndi+ hohoan+mo-ane yahu nafuimayu!

21 God+ndi+ ndofe hohoan+mo sünguyo hifi+ ndan+hündambo nindou ndor+hi fifir+hindeimbi+ ai ahei hohoan+monambo yang+ri+ ng+ri+ God+imbo fifir+ndi+hor+hi. Hoafi+ ro hoafi+yef+ ar+hundi+ ra nindou ranahambo h+h+ndi+ hohoan+mo-ane asei, nga God ai yifir+yu haya nindou Krais+imbo an+hondümb+o-ari+hor+hi ranaheimbo aboedambo-nd+heandüri+mboyah+, mehu.

22 Hoafi+ ranahambo an+hond-ane yahombohünda Suda ai hepün+feimbi+ moatükun+ ran+imboanemo hoeindi+hu ehomo, nga asu Grik ai fifir+ife hohoan+mo ran+imboanemo yifirayomo.

23 Nga s+hef+imbo ana Sisas Krais n+im+ keimbi+ kar+hendeimbi+fil+hi y+f+imayu ranahamboane ro bokar+hehu ar+hundi+. Rani+ hoafi+ ranane Suda-yomond+ hohoan+mo ranahambo mam+karapur+ arand+. Asu Grik ana ndan+ hoafi+ ndanahamboya rani-moatükun+ ana h+h+ndi+ hohoan+mo-ane yahomo houmbo hohoan+mo-yomondühanemo.

24 Nga asu sihir-aneŋi, Sudahünd-aneŋi asu Grikihünd-aneŋi munġuambo siheŋimbo God ai mborai mehumuni ra himboriyeifembü siheŋimbo ana Kraŋs ai Godiŋdi ŋġiŋiŋdi moatükuniyu haya, asu ahandi ndofe hohoanimo-ani.

25 God ai hihiŋdi hohoanimombayu-mbonana, ahandi hohoanimo ra nindou-yei ndofe hohoanimo ŋgasünde. Asu God ai kehurimbeyu-mbonana, ahandi kehuri ra nindou-yei ŋġiŋiŋdi ŋgasünde.

26 Wandafi mamŋi, se ndandihi hohoanimondei sapo horombo siheimbo God ai hoafmayundüra ahandi nindou tükümehiŋdi ranimbo. Sihei mbusümo nindou afiŋdi ai hifiŋiŋdi hohoanimo fifirihiŋdeimbi-yeipoani. Nindou afiŋdi ai ŋġiŋiŋdi-yeipoani. Nindou afiŋdi ai adükariŋdi ndürimbŋi-yeipoani.

27 Nga asu hifi ndanihündambo nindou ai hohoanimoyeihi hihiŋdi hohoanimoyeimb-aneŋi maseŋi ranaheimbo God ai moani hohoanimoyu haya masemündündüriŋdi ndorihi hohoanimoyeirihiŋdeimbi nindou aheimbo amoanġgambofendürimbo-hünda. Asu hifi ndanihündambo nindou ai ra ŋġiŋiŋdi-koate-yeimb-aneŋi maseŋi ranaheimbo God ai hohoanimoyu haya masemündündüriŋdi nindou ŋġiŋiŋdi hifiŋdi-rihiŋdeimbi aheimbo amoanġgambofendürimbohünda.

28 Raniyu asu ai hifi ndanihü ndürikoate-yoweimbŋi moatükuniŋdi raniyo, asu nindou ai rani-moatükuniŋdi ana moanane seihiŋdi yiboarukomarihiŋdi ra God ai masemündu nindou

ai aboedi hamind-ane masei ranahambo hifinambo-fembohünda.

²⁹ Rani-mayowamboane nindou mamî ai ngîrî Godîndî himboahü ahandîhoarîmbo borîndu.

³⁰ Nga God ai siheimbo Sisas Krais-babîdî hîningîmarear-anei. God ai ahambo sihefî fifîrîfe hohoanîmo, Godîndî himboahü mbumundî nîngo hohoanîmo, sûrühoeimbî hohoanîmo süngufembo hohoanîmo, asu aboedambo-femunîmbo hohoanîmo ranahambo nîmîndîmborîrî hîningîmarîrî.

³¹ Ranîmboane Godîndî hoafî ai hoafîyohü yahoya, “Nindou ai borîmboayu ana, ai Adükarîmbo yangîr-anîmbo borîmbiyuwamboane,” meho.

2

Por ai Sisas yîfîmayu ranahambo hoafîmayu

¹ Wandafî mamî, sapo siheimbo sowana sühühî Godîndî-mayo dîbohîndî hoafî hoafîyahüî ro moai ndorîhoeimbî hamîndî hoafî nahurai hoafîyahî asu moai hohoanîmo ndorîheandeimb-anahî sahehea hoafîyahî.

² Ro se-babîdî nîmboambo ana rarîhe hohoanîmoyahühîya, ngîrî ngorü-moatükunîmbo yamundîheandî, nga Sisasîmbo asu ai nîmî keimbî karîhendeimbîfîhî yîfîmayu ranahambo yangîr-anîmbo yamundîheamboyahî, masahî.

³ Ro siheimbo-so nîmboahambe hamîndî kemîndîkoate-yahüî hîhamîndarî kapeihîyahî manîmboahî.

⁴ Ro yamundîheandühî asu bokarîmarîheheandî ra fifîrîundeimbî nindou-yomondî-mayo fifîrîfe hoafînambo-yopoanî

hoafi mayahi. Nga ro hoafiyahane Godindi Yifiafindi nginindinambo ratupurimayahi ranai wandi hoafi anihond-ane yaho nafuimeyonduri.

⁵ Sihei anihondumbofe ra se nindou-yei fifirife hohoanimonambo tukufembo moeisahi, nga Godindi nginindinambo-animbo tukumbifeyo-wamboane.

Godindi ndofe hohoanimo

⁶ Nga nindou nginindimbo-yahindeimbi aheimboane ro ndofe hohoanimo hoafi ra hoafiyahanduri arihandisi, nga ndofe hohoanimo ranana hifi ndanihundambo-yopoani asu hifi ndanihundi bogoriyafe-mayopoani. Nga ahei nginindi afure arandi.

⁷ Godindi ndofe hohoanimo-ane yamundihe arihandi. Hohoanimo ranana dibo mengoro-ane. God ai mungu-moatukuni nafikoate-yuambeyo ai rani ndofe hohoanimo ranahambo sihefimbo ai nduruimbi mbimariamboane yahuhaya ahandi hohoanimonambo yangiri hoafiyu masihendi.

⁸ Hifi ndanihundambo nindou bogori mamai ai-amboani ndofe hohoanimo ra moai fifireandi. Asu ai fifirimbaru-mbonana ngiri nindou Adukari himboamupuimbo-randeimbimayu ra sowarundimo houmbo nim keimbi karihendeimbi-fihiparuwuri, nga wani.

⁹ Nga Bukambe yare hoafiyowohu yahoya,
 “Nindou Godimbo hohoanimo parihori-rihoreimbi ranaheimbo ai afindi moatukuni didiboadore masihendi.
 Rani-moatukuni ra himboari ai moai hoeire-andi,

himbambe ai moai himboryo
 asu nindou-yafe hohoanimonambo yangiri
 moai tüküfeyo,” *Aisaia 64:4*

meho.

¹⁰ Hoafi ra ai dibo mengoroyosi, nga Yifiafi Aboedi ranahandi ratüpurinamboyo God ai ranimoatükuní ra nafuimemuní. Yifiafi Aboedi ranai ana Godíndí hohoanimo dibo engoro amboaní kokondambo hoeindeamboe.

¹¹ Nindou ngörü ai ngiri ngöründí hohoanimo amaro ra fifirindeandi, nga yifiafi ahandí fiambe amarondo ranai-animbo ahandíhoari fifirindeamboe. Mare yahuraiane nindou ai moai God hohoanimoayu ra fifiríhindi, nga ahandí Yifiafi Aboedi ranane ahandí hohoanimo ra fifireamboayo.

¹² Sihiri ana hifi ndanihündambo yifiafi ranana moai sahumíndefí, nga Yifiafi God ai koamaríhemuní raníyo masahumíndefí. Sapo God ai níne-moatükuní masemuní ra fifiríferambohünda.

¹³ Ranimboane sihiri ngiri hoafíndefühí nindou-yafe hohoanimo hoafínambo yamundíhundi, nga Yifiafi Aboedíndí yamundífe hoafí rananimbo nindou Godíndí Yifiafi ahei fiambe nímaríndüreimbi ranaheimbo Godíndí moatükuní fifirífe hoafímboane.

¹⁴ Nga nindou Yifiafi ahandí fiambe nímaríkoate-yondoweimbi ranai ngiri Godíndí Yifiafi sai-randeimbi moatükuní ra ndemüнду. Nindou aiana raní-moatükuní ra ngiri ndonde fifiríndeandi. Nga ahambo híhíndí hohoanimo nahurainímboe. Nga Yifiafíndí warí-süngu yangir-animbo nindou ai raní-moatükuní

yibobondeandühi fifirindeambui.

¹⁵ Nindou düdi ai Yifiafi Aboedi ra ahandi flambe amarondo ana, ai munguambo moatükunü yibobondeambui, nga asu nindou ngorü ai ngiri ahandi hohoanimo yibobondeandi.

¹⁶ Godindi hoafi yare hoafiyowohü yahoya, “Nindou düdi Adükarindi hohoanimo fifireamboayu-a? Nindou didai ahambo yamundi mandira?” Nga shefimbo ana awi Kraisindi hohoanimo ra ngusüfoambe nimarimunimboane.

3

Kraisindi nendiyafe ratüpurüyu-randeimbi ana Godindi ratüpurüyu-randeimbani

¹ Wandafi mamü, horombo ana ro ngiri sheimbo Yifiafi Aboedi nimarindüreimbimbo hoafiyahandüri arihandi nou hoafiyahandüri. Ro nindou ai hifi ndanähündambo hohoanimo yeimbü asu nimoakidibou nahurai sheimbo hoafimehandüri.

² Awi ro sheimbo kehuri sesi safiyo moanguimarhandüri, nga nimboe sapa se moai nginindi sesi sesimbo tüküyahindi hapondani amboani.

³ Nga hapondani ana awi se nindou hifi ndanähünda animboei nahurai-anei. Wandafi ngorumbo moaruwaimbofi hohoanimo asu sheihoari simbori hoafi ranana awi shei mbusümo yangromboane. Hohoanimo ranana nindou hifi ndanähündambo hohoanimo asu wamindafi hohoanimo ranane hifandarähündi.

⁴ Nindou mamü ai hoafiyuhüya, “Roana Porindi süngueheandi.” Asu ngorü ai hoafiyuhüya, “Roana Aporosindi süngueheandi.”

Rani hohoanimo se hohoanimoayei ranana nindou hifi ndani-hündamboyafe hohoanimoane hohoanimoayei.

⁵ Se ranahambo ndondihi hohoanimondei. Aporos ra nindou düdia? Asu ro Por nda ro didiyaha? Roana moani Godindi ratüpurimbo yangiri nindou-anehi. God ai yihoeimbo ratüpurimbo masemun-ane asu yihoeimbo ratüpurimbo rani-sünguyei se Sisas Kraisimbo anihondümbomarihori.

⁶ Ro nümbürimbo mamimbo ranambe hoarimbo hifikamarihendi. Asu Aporos ai wohimarihendi. Nga asu Ape God aiyu rani-moatükunimbo ranahambo botimareanda adükarimbo tüküme feyo.

⁷ Ranimboane nindou ai ninimbo mangiriyo hifikarareand-ane asu woharihendi ranai ana ndürimbiyupoani, nga wani. Nga sapo God ai rani-moatükunimbo ranahambo botireandani tüküme feyo ranai yangiri-ani ndürümbimbo hamindayu.

⁸ Nga nindou düdi mangiri hifikare asu nindou düdi wohirihai arandimbo rani yimbu ai moanimbo simogodimbo nindou-anafani. Nga nindou ranahafanimbo God ai ahandimbo hoaranimbo sünguna nime ratüpurimbo ai ratüpurimbo mefanimbo takinimbo dagapirimbo.

⁹ Roana mamimboyaho hohoa Godindi ratüpurimbo ratüpurayehimbo, nga seana Godindi nümbürimbo, asu worimbo nahurai-aneimbo.

Godindi ratüpurimbo-rihündeimbo ai worimbo worimboru-rundeimbo nahurai-aneimbo

¹⁰ Godindi moanimbo hipoambofe-namboyahimbo ro nindou aboedimbo worimbora-randeimbo nou tükümeheandi. Raniyahimbo asu ro kambohoanimbo

boatei ṅgɪnɪndɪ mafeburaheandɪ. Raniyo asu nindou ṅgorü ai kambohoanɪ ranɪwamɪ worɪ mafondeandɪ. Nga nindou mamamɪ düdi worɪmboarandɪ ranai moanɪ ndonde hoeindeandühɪ worɪ ra worɪmbondandɪ.

¹¹ God ai mbusümo kambohoanɪ hondü ṅgɪnɪndɪ mafondirɪ ra Sisas Kraisi-ani, nga asu kambohoanɪ ṅgɪrɪ asükai nindou ai yahurai fondeandɪ.

¹² Nindou bɪdɪfirɪ ai gor, sirfa, nɪmoei kakɪ afɪndɪ fihɪ koarɪhefembo ranɪmbo ranɪwamɪ worɪmbo-ndühümboyei. Nga asu nindou bɪdɪfirɪ ai nɪmɪ, wohɪ asu ahurɪndambo nɪmɪndɪ ranɪnambo worɪmbo-ndühümboyei.

¹³ Rananɪmbo nindou ai nɪne-moatükunɪ nüṅgunahuraiyo ratüpurɪyei hɪnɪṅṅɪmarɪhindɪ ra Kraisi tüküfi sɪmboanɪ weindahɪ tükündɪfemboe. Asu ranɪ sɪ weindahɪ tüküfe sɪmboan-animbo God ai hai nahurai ahei ratüpurɪ ra rande hoeinde-andürɪmbui. Rananɪmbo ai nahanɪyo aboedɪ safayo ranahambo hoeindeambui.

¹⁴ Asu nindou ai kambohoanɪ ranɪwamɪ worɪmbo-rɪhündanɪ asu worɪ ahei ranai hai tɪkɪrɪkoate-ayo ana, nindou ranai takɪnɪ ndahümündimboyei.

¹⁵ Nga asu nindou ahei ratüpurɪmayei ra hai tɪkɪrarandɪ ana, asu ai ranahandɪ takɪnɪ ṅgɪrɪ ndahümündi. Nga asu aheihoarɪ ana haiambeahɪndɪ hürarɪhehindɪ nouehindɪ ana, aboedambo-ndahimboyei.

Sɪhɪrɪ Godɪndɪ wor-aneɪfɪ

¹⁶ Se fɪfirɪhindai, seana Godɪndɪ wor-aneɪ, nga asu ranane Godɪndɪ Yifiafɪ ranai sɪhei mbusümo amaro.

17 Nga asu nindou düdi ai Godîndî worî ra moaruwaimbo-areandî ana, asu simborî God ai nindou ranahambo moaruwaimbo-ndirumbui. Godîndî worî ana ahandî yangîr-ane asu seana ahandî wor-anei.

Sîhîrî ngîrî nindoumbo adûkar-anei mbîsefî

18 Se sîhei fimbo tîkai hoafîndeimboyei. Sîhei mbusümo nindou mamî ai hîfî ndanîhündambo hohoanîmo süngurandühî yare hohoanîmoyuhüya, “Roana fîfîrîheandeimb-anahî,” ehu ana, nindou ranai awi nindou-yei hîmboahü hîhîndî hohoanîmoyu-randeimbî nahurai tükümbîfi-yuwamboane. Rananîmbo asu ai Godîndî hohoanîmoambe fîfîreandeimbî nindou hondü tükündîfimbui.

19 Hîfî ndanîhündambo aboedî fîfîrîfe ranana Godîndî hîmboahü hîhîndî hohoanîmo nahuriane. Godîndî hoafî yare hoafîyowohü yahoya, “Fîfîrundeimbî nindou ai wosîhoaforî hoafîyomo arundî, nga God ai ahamundî hohoanîmo moaruwaimbo-ndeapurîmbui,” *Job 5:13* meho.

20 Nga Godîndî hoafî asükai yare hoafîyowohü yahoya, “Adûkarî ai fîfîreamboani fîfîrundeimbî nindou-yomondî hohoanîmo ranana nîmîndî aboedî fîfîrîfekoate-ane,” *Buk Song 94:11* meho.

21-22 Se ngîrî ngorü nindou ranîmbo borîndei, nga Por, Aporos asu Pita munguambo ra sîheimbo fehefembo awi sîhei-anemo. Yînî, nga munguambo moatükunî sîheimbo fehefembo

sihei-ane. Hifi, yangiri niŋgo, yifi, hapondanane asu süngunamboane muŋgu-moatükuni ra sihei-ane.

²³ Asu se Kraisiind-ane asu Kraisi ai Godiind-ani.

4

Adükari ai ahandihoar-ani ahandi ratüpuriyomo-rundeimbî ahamumbo fifireapurî arandi

¹ Se yihoeŋimbo rahurai hohoani mondei: Ai Kraisiandi ratüpurimbo nindou-anemo. Ai Godiandi hoafi dibo meŋgoro ranahandi hifandiru-rundeimb-anemo.

² Nga nindou hifandi mboayu ahandi ratüpurimbo hohoanimo ana ndahurai-ane. Ai nîne ratüpurî hifandi mboayu ana, ai ndore aboedi hifandi mbirandamboane.

³ Se-ane asu nindou hifihündi hohoanimo süngurihindeimbî ai wandi hohoanimo rana hambo yiboboareandi ana, ra moanane asahi, nga asu ro moai wandihoari rarihe yiboborihe rihandi.

⁴ Ro moai nini-moatükuni moaruwai ramarheandi ra hohoanimo yahî, nga asu ngiri ro wandihoari randihe hoafindahühiya, “Roana nindou mbumundi hamind-anahi mbiŋsahi, nga wani.” Wandi ratüpurî yibobofe ra Adükari yangiri-animbo randeambui.

⁵ Ranimboane asu rani si ra awi tüküfekoateyoambe ana, se nindou ngoründi hohoanimo yibobofendüripoani, nga Adükari-animbo kusü simboani yibobondearimbui. Ai-animbo muŋgu-moatükuni dibo eŋgoro ra ndemündü si niŋgoani digembui. Ranimbo

asu ai munḡuambo nindou-yafe ḡusüfoambe hohoanimo ra weindahindeambui. Ranisimboani animbo God ai nindou mamami ahei hohoanimo ranahambo aboed-ane mbüsümbui.

6 Wandafi mamı, ro sıheimbo farıhefendürimbo hohoanımoyahüh-anahi asu Aporosdibo yıhoehi fimbo munḡu hoafi ranahambo hoafayahi. Se yıhoehimbo hohoanımöndühmunüh-animbo asu mbumundi hohoanimo rani yangrı süngundi hındi hoafi mamı hoafımayo nou “Godındi bukambe hoafımayo ra wudıpoapondıhi süngundi hündi,” meho. Ranımboane asu se nindou ḡgorümbo hıhıfı-hıhıfındeihı asu ḡgorümbo moaruwaimbo-ndıhorımboyei.

7 Wandafi mamı, moai nindou ḡgorü sıhambo ḡgoründi hımboahü adükarımbore hınıḡıreandüri. Asu se nını-moatükunı Godındı-mayo semındıkoate-mayeia? Asu se Godındı-mayo yangrı nıne-moatükunı asahümündi ana, asu nımboe se ranı-moatükunı ra sıheilhoarı nımındıhanefı sei hei sıheilhoarımbo borayeia?

8 Se rarıhi hohoanımoyeihı seiya, “Roana ndeara munḡuambo moatükunı nafrııhımındefomboanefı. Roana Godındı-mayo aboedı-moatükunı sahumındefı hohu afındeımbanefı. Roana ndeara adükarı bogorımboyahu tüküyahumboanefı,” maseisi, ḡga roana adükarı bogorıkoate-anefı. Seana anıhondümbo adükarı bogorımbondahi nıboadei anımbö asu ro sebabıdı bogorımbondahu nımboefomboanesı.

9 Ro rarıhe hohoanımoyahi, Kraisındi hoafi

sahumɪndefɪ hefi-rɪhundeiɪmbɪ yɪhoefɪɪmbo ana God ai hɪfɪnɪ hondü hɪnɪŋgɪmareamunɪ. Roana kotambe papi-hoafɪyomunɪ mburɪmbo hɪfokoefemuna sünambeahɪndɪ nendɪ asu nindou-yei hɪmboahü yɪfɪmbo nahurai-aneɪfɪ.

¹⁰ Kraisɪmbo farɪhefemböhünda ro hɪhɪndɪ hohoanɪmoyefeɪmbɪ nahurai-aneɪfɪ, ŋga se rarɪhi hohoanɪmoyeihiya, “Ro Kraisɪndɪ hohoanɪmo fɪfɪrɪhundeiɪmbɪ nindou hondü tüküyahumboaneɪfɪ,” maseisɪ. Roana ŋgɪnɪndɪyefɪpoanɪ, ŋga seana ŋgɪnɪndɪ saf-aneɪ. Seana nindou ndürɪmbanei, ŋga roana nindou yɪhoefɪɪmbo moaruwaimbo-rɪhimuneɪmb-aneɪfɪ.

¹¹ Horombo pɪyo haya ho-hombo hapondanɪ amboanɪ ro wembomboyefühi amɪndasümo kɪkɪre yaparɪmarɪhemunɪ. Asu hoearɪ amboanɪ wonɪmbɪ moaruwai magüdühundɪ. Ai yɪhoefɪɪmbo warɪ momondɪfekoate pakarɪhamunɪ marundɪ. Ro moai aboedɪ ndorɪhu nɪmareɪfɪ.

¹² Roana yɪhoefɪ warɪnambo ratüpurɪ ra tɪŋrɪfoyefɪ marɪhundɪ. Ai yɪhoefɪɪmbo tɪrɪfoefe hoafɪrɪhümunanɪ asu roana aheimbo sɪmborɪ aboedɪ hoafɪmehundürɪ. Ai yɪhoefɪɪmbo moaruwaimbo-rɪhimunanɪ asu moanane seföhɪ ŋgɪnɪndɪ manɪmboefɪ.

¹³ Ai yɪhoefɪɪmbo amonɟonɪ hoafɪyahümunanɪ asu ro sɪmborɪ aheimbo hoafendühɪ hoafɪyahundürɪ marɪhundɪ. Roana munɟuambo nindou-yei hɪmboahü yafɪsühumɪ nahurai-ayefɪ. Ro horombo pɪyefɪ hohu düdübudeɪmbɪ nahurai-ayefɪ.

Korinɪhündɪ ai Porɪndɪ hohoanɪmo ra

süŋgumbirihind-amboane

14 Se amoaninŋi-mbeyeya saheheambo-yahipoani ro pas nda sürü paparhandi. Nga siheimbo didiboadondihearü samboanahi se wandi ngusüfoahündi nïmori nou sürü nda paparhandi.

15 Kraisindi hohoanimo süngumbo siheimbo 10,000 nindou hifandiyondürimbo animboeisi, nga afindi hamindi yahurai boagireimbiyeipoani, nga wani. Ro Godindi hoafi aboedi ra hoafimeha himboriyei mburihü Krais-babidi animboei rani-süngumbo ro mam-anahi sihei ape nahurai-ayah.

16 Ranimboanahi ro siheimbo hüti hoafayahandür wandi-mayo hohoanimo nda sahümündi mburihü rani-süngu mbihahabudia saheheambo.

17 Rani-süngumboanahi haponda ro siheimbo sowana Timoti koamarihahina asüfu. Aiana Adükarimbo süngunambo wandi ngusüfoahündi nïmori nahurai aboedi ratüpuriyu-randeimbani. Ai-animbo ro Kraisindi simbori hohoanimo süngurihü asu ahandi nendi munŋuambo hifihü yamundhe arihandi ra siheimbo asukai hohoanimo botindearümbui.

18 Awi bidifiri aiana wamboya aiana nŋiri yihoeimbo sowana düfu sei hehimboanei asu ai ahei fimbo boriyeyi wakirihü arihündi.

19 Nga asu God ai yifirayu ana, ro siheimbo sowana nïmai tükündaheamboyah. Asu rananimbo nindou ahei fimbo boriyeyimbiyei nŋinindi ra ro türüboadhe fifirindi-heamboyah. Nga ahei hoafi ranana moanane.

20 God ai nginindi hifandarandi ranana hoafi yangiriyo poani, nga wani. Nga nginindi moatükunî saf-ane.

21 Nga se ninî hohoanîmomboyei hohoanîmoayeia? Asu se sihei hohoanîmo ra didiboadofekoate-yeiyanî ro nimîharî semîndî hefembo siheimbo didiboado-fendürîmboyo hohoanîmoayeî? Asu se sihei hohoanîmo ra didiboado-ndîhindanî ro siheimbo himboarî hoafendühi hîpoambofe hohoanîmo semîndî hefembo siheimbo sowana sifombo ranîmboyei hohoanîmoayeî?

5

Nîmorehî sisîhîmo hohoanîmo Korin ngoafîhü engoro

1 Sihei mbusümo ana nîmorehî sisîhîmo hohoanîmo hoafi ranane yangori wakareandi. Ranî-moatükunî ra moai nindou Godîndî hoafi süngufekoate ana rarîhi rîhündî. Nindou mamî ai afîndandî nîmorehî hüramündü marandî hoafi nahurai hîmborîmayahî!

2 Asu awi se sihei fimboanei borayeî. Nga awi se afîndî hohoanîmondeihî aranîndei. Asu sapo nindou düdi ai sihei mbusümo moaruwai ranî hohoanîmomayu ranahambo siheiambeahîndî hündîhorîmîndei hîmboranambo-ndîhorî.

3 Roana wandî fi-ane angunayahî, nga wandî hohoanîmo ana se-babîdimboane engoro. Sihefi Adükari Sisas Kraisîndî ndürînambo ro sapo nindou sihei mbusümo moaruwai hohoanîmomayu ranahambo papîrîhinühi tîjîrîfo asahando mamî ranîhü se-babîdimbo nîmboambo hoeirîheambo nou.

4 Awi se mamî fandîhingan-anîmbo asu ro hohanîmonambo se babîdî fandîhundanî sîhefî Adûkarî Sisasîndî ngînîndî ranambo ai akîmî sîhîrî-babîdî nûngumbui.

5 Rananîmbo asu se nindou ranahambo Satanîndî warîhündîhorî ahandî moaruwai hohanîmo ranî-sûnguna ahandî fi ranai moaruwaimbo-ndîfimbuisî, nga yifiafî ranai Adûkarîndî sî tûküfe sîmboanî aboedambo-mbîfeyowamboane.

Korin ai nindou moaruwai ranahambo yîhîrîmbîrî-horamboane

6 Awi se borayei habudi ranana aboedî hamîndî hohanîmoyopoanî! Se fîfîrîhindî hoafi nda, “yis akîdou praua ambe parefeyo ana, bret munguambo ra fufudîgondîmboe.”

7 Ranîmbo-hündambo-anîmbo asu se moaruwai hohanîmo yis wamîndafî nahurai ra fîfîrîndîhümündî pindîhingan-anîmbo asu se bret sîmborî nou aboedî hamîndî tûkündahimboyei. Sapo aboedambo-femunîmbo sipsip nîmorî Krais ra hîfokoarüwurî sîhawurîmboanemo asu sîhefî God aboedambo-femunîmbo sesesîmbo sî tûküme feyo.

8 Ranîmbo-hündambo-anîmbo sîhîrî ranî aboedambofembo sî ranahambo hîhîfî-hîhîfîmbohündambo dîdîboado-ndîhumboane. Sîhîrî moaruwai hohanîmo raguanambo-ndîhumboane Suda ai yis wamîndafî pimarîhindî nou. Sîhîrî yisîkoate bret nahurai tûkündahumboyefî sapo ra ai anîhondümbö hoafîmbo asu dîdîboadofe ratüpurîmbo nou-ane.

9 Horombo ro pas sürü papirihî koarîheheandühî sahîya, “Se nindou nîmorehî sisîhîmoyei-rîhûndeimbî babîdî fiyimbu-ndeimboyei,” masahandürî.

10 Nindou muŋguambo hîfî ndanîhûnda ai nîmorehî sisîhîmoyomo-rundeimbî, hohoanî-rîhindeimbî, hûmbuhünîyei-rîhûndeimbî asu tîkai godîmbo hohoanîmoyei-rîhûndeimbî, ranaheimbo muŋguambo hînîŋgîfendürîmboyopoanî hoafîmayahî, ŋga wanî. Asu se nindou hîfî ndanîhûndambo rahurai hînîŋgîfendürîmbo hohoanîmondeihî ana, hîfî ndan-amboanî hînîŋgîndîhindî.

11 Ŋga roana ranahandambo nîmîndî hoafî sürü papirîhandühî hoafîmayahî ana, ndanî hoafî ndanahamboyahî hoafîmayahî: Nindou mamî ranahambo se anîhondümbore-randeimbî wandafî sahûndoweimbî ai nîmorehî sisîhîmoyu arand-ane, hohoanîre arand-ane, tîkai godîmbo hohoanîmoyu arand-ane, tîrîfoefe hoafîyu arand-ane, asu bia sümündî haya mamîkarî hohoanîmoyu arand-ane, se ai-babîdî fiyimbu-ndeimboyei. Ŋga ai-babîdî nîmarî sesi sesîmbo amboanî kapeihîyahî yowanî masahî.

12 Ai nûngu-nahuraiyo ranî hohoanîmo rana? Nindou düdi ai Godîndî nindou-yei mbusümo nîŋgokoate hîmboranî amaru ranahandî hohoanîmo yîbobofe ra wandî ratûpurîmbaiyo? Ai ra wanî. Ŋga nindou dîdîyei sîhei mbusümo anîboadei ranahei hohoanîmo yîbobombîrîhîndamboane.

13 Nindou hîmboranî amarei ahei hohoanîmo ana God ai yangîr-anîmbo yîbobondea-

ndür+mbui. Nga God+ndi hoafi hoafiyohü yahoya, “Se-ana nindou moaruwai sihei mbusümo anüngu ranahambo y+h+r+nd+hori,” meho.

6

Krais+ndi nindou ana wandafi ngorümbou an+hondümboufe-koateyeimbi+yei himboahü papi+hoafiyupoani

¹ Asu Kraisndi nindou seambeah+ndi mam+ahambo hoafi engoro ana, nindou ranai ng+r+God+ndi nindou seambeah+ndi fükak+boendür+haya ngu nindou God+mbo f+f+r+fekoate-aye ahei himboahü hoafi ahandi ra d+d+boadondeandi.

² God+ndi nindou si+h+r+ süngunambo nindou hi+f+ ndan+hü-ndamboyei hohoan+mo y+bobofendür+imboayefi ranahambo awi se moai f+f+r+hindiyo? An+hond-ane, sapa se nindou hi+f+ ndan+hündambo ahei hohoan+mo y+bobofembomaye ana, moani ak+dou hoafi yahurai tüküfeyoani nimboe asu ra y+bobofehü f+f+r+fekoate-mayeia?

³ Asu sünambeah+ndi nendi-yomondi hohoan+mo sünguna si+h+r+ y+bobofemboayefi ra awi se moai f+f+r+hindiyo? Asu ra adükar-ane, nga ran+mbo-hündambo an+mbo haponda ndar+hu nimboefambe ak+dou ndahurai moatükun+ ra y+bobond+humboane.

⁴ Asu ak+dou yahurai moatükun+ tükünd+feyoani nindou God+ndi hoafi süngufekoate-maye aheimbo sowana hoafi ra nimboe sahümündi aheia?

5 Seana amoan+ngi+koate-anei, nga an+hondane nda, sihei mbusümo sihei wandafi mamai fifireandeimb+ mbanüngu niniyafani Kristen apodoho ranai simbor+ hoafi+yafandani didiboado-fepir+imbohünda.

6 Asu ngorü Kristen ai ngorümbo papi+hoafimbo nindou God+ndi hoafi süngufekoate-mayei aheimbo sowana nindou ranai ahandi hoafi ra didiboado-fembohünda hu-marandi.

7 Se sihei wandafi ngorü ranahambo papi+hoafir+horühi simbori hoafiyei ar+hündi ranana awi Krais+ndi hohoan+mo ana munguna hifina hanimboanei. Asu se nimboe aheimbo himboari yangiri hifandiyondüra siheimbo moaruwaimbo-fendüri+koate-mayeia? Asu se nimboe aheimbo himboari yangiri hifandiyondürani sihei-mayo napo hümbuhün+koate-mayeia?

8 Nga asu siheihoari+yei simbori hümbuhün+yeihi simbori moaruwaimbo-fir+mayei, nga sihei Kristen wandaf-anei.

9-10 An+hondane, nga se ra fifir+hindai, nindou moaruwai ham+ndayei ranai ana ngiri God ngin+ndi hifandarandi ranambe ngei. Nindou didiyei ai nimoreh+ sis+himo hohoan+moyei, sanendi kabomombo didibafiyei, nimoreh+ nindowenihümbi simbori him+ndiyei, asu nindowenih+ bogo fiyimbu simbori moaruwai hohoan+moyomo, hümbuhün+yei, nindou ngoründi napo hohoan+r+hi, bia sim+ndei hehi moaruwai mam+kar+ hohoan+moyei, nindou ngorümbo tir+foefe hoafiyei asu nindou ngoründi-mayo napo fufur+hümündi raro-

rîhindeimbi nindou God nginîndî hifandarandî ranambe ngîrî ngei.

¹¹ Horombo ana nindou bidîfirî se yahurai manimboei-anei. Nga Adûkarî Sisas Kraîs asu Yifiafî Aboedî ai sîhei moaruwai hohoanîmo ra popoai-marîheneandûra haponda se Godîndî yangîr-anei asu ahandî himboahû mbumund-anei.

Sîhefî fi ana Godîndî sûrûhoeimbi ratûpurîmboane

¹² Nindou mamî ai hoafînduhûya, “Roana moanî ro hohoanîmomayahî sîngu nîni-moatûkunîyo refemboayahî ra randîheamboyahî,” mbûsûmbui. Yinî, nga refeana randowamboyahîsî, nga mungu-moatûkunî se refemboayahî ranana sîhambo aboedî yangîrîyopoanî. Yinî ranî-moatûkunî ra, ro hoafîndahûhîya, “Ro nîni-moatûkunî refemboayahî ra randîheamboyahîsî, nga asu ro ngîrî nîne-moatûkunî wambo hifandîndandîrî,” asahî.

¹³ Nindou ngorû ai afîndî sesîmbo hohoanîmonduhûya, “Sesî ana bodombo-hûndamboane, asu bodo ana sesîmbo-hûndamboane,” ehû. Yinîsî, nga asu ranî-moatûkunî ana God ai bidîfirîranambo sî tûkûndîfeyoanî yîbobo moendî-ndeapîrîmbui. Nindou ranahandî fi ranana nîmorehî sîsîhîmo hohoanîmo fi-yopoanî, nga Adûkarîmbo ratûpurîmbo fi yangîr-ane. Asu Adûkarî ai fi ranahambo ratûpurîyuhû wudîpoapore arandî.

14 God ai Adükarimbo yifihündi botimariri ranimbo-hündambo-animbo asu sihefimbo amboani ahandi nginindinambo mare yahurai botindeamunimbui.

15 Se fifirihindai, sapo sihei fi ranana Kraisindi fi bidifiri kameihane? Asu ro Kraisindi fi ra ndahamindi hehea nimorehimbo dibo ho hohanimo ranambe nga madiheheyo? Ngirindo ranana!

16 Nindou ahandi fi ra semündü haya hu nimorehimbo dibomborandühi ahandi fi ra nimorehi ranahandi fih parareandi ra awi se fifirifekoate wamboyei? Hoafi mam ranai Bukambe yare hoafiyowohü yahoya “Nindou yimbu ahafe fi ranai mam nahurai tükündifemboe,” meho.

17 Nga ranimboane nindou düdi ai ahandi fi ra Adükarindi fih parareandi ana, Adükarindi hohanimoambe mam-anafani.

18 Nimorehi sishimo hohanimo ra se refepoani. Nindou ranai amuri moaruwai hohanimoayu ranana ahandi fi ranifih pareandühyupoani, nga nimorehi sishimoayu ranana ahandihoari ahandi fi ra moaruwaimbo-reandühani.

19-20 Sihei fi ra Yifiafi Aboedindi wor-ayo ra awi se moai fifirihindyo? Sapo God ai Yifiafi Aboedi masagaduri sihei fiambe amaronduri. Sihei fi ana sihei yanggiryopoani, nga Godind-ane, sapo ai siheimbo kaki adükarinambo nahurai pemimayunduri. Ranimbo-hündambo-animbo sihei fi ranimbo nine-moatükuni refembo Godimbo ahinindei.

7

Nimorehi semindi hohoanimo hoafi

¹ Haponda ro pasambe hoafi sürü papimarhandi ranahambo didiboadondihe wataporimbo-ndihandüri samboanahi. Nindou mamai ai nimorehi semindikoate-ayu ana, ra aboedi saf-anesi.

² Nga sihei mbusümo nimorehi sisihimo asu nindowenihiri birabiri hohoanimo adükari engoro ranimbo-hündambo-animbo, mamami nindowenihiri ai nimorehümbi yanggirimbiyomondamboane. Asu nimorehi mamami ai amboaninindowenihümbi yanggirimbiyei-amboane.

³ Nindowenihiri ahandi fi ranana ahandi nimorehi ranahandi fi-ane, nga ranimbo-hündambo-animbo nindowenihiri ai ahandi fi ra kikihemindipoani. Mare yahurai saf-ane nimorehindiri fi amboanin ahandi nindowenihiri ranahand-ane, nga ranimbo-hündambo-animbo nimorehi ranai-amboanin ahandi fi ra kikihemindipoani.

⁴ Nimorehi aiana ahandi fi ra ahandihoari hifandamboyo poani, nga wani. Ahandi nindowenihiri ai-ani hifandamboayu. Mare yahurai-ani nindowenihiri ai-amboanin ahandi fi ra ahandihoari hifandamboyo poani, nga ahandi nimorehi ai-ane hifandamboayo.

⁵ Se nimorehühi asu anamindühindafine hena, sihafehoari sihafe fi ra simbori dibokorüri-ndamboyafe. Yiniri, asu se sihafehoari fi ranahambo bodifohü kikihemindiri mburümbo Godimbo didibafifemböhünda hoafi firandife mburina, sihafe fi ra kikihirandife animbafe ana, i ra aboed-ane. Nga asu sihafe fi ra

süŋgunambo mamambe-ndineandi. Nga asu se sihafe fi ra ndofe hifandikoate-ndafeani asu Satan ai sihafembo rande hoeindeapirimbui.

⁶ Ndaní hoafí ndanana moai ro siheimbo randihindi sahi, nga siheimbo fehefembo se yifrayei ana, randihindi asahi.

⁷ Nüŋgurühi ana nindou muŋguambo ro nou anamindühife asu nimorehühifekoate ni boadei asahi, nga muŋguambo mamani God ai rani poani rani-poani ŋginindi yimumareandane. Raniyo nindou ŋgorü ai ŋgorü-poanimbo moatükuní semündü nindou ŋgorü ai ŋgorü-poanimbo semündü marandi.

⁸ Haponda yihoarifi hoarifi asu kai aheimbo hoafayahandüri: Ro raweheandi nou seamboani moani rarihi animboei hei ana, aboedane.

⁹ Nga asu se sihei hohoanimo ra ndofe hohoanimoate fi sihei ra mamikararihündi ana, awi se nimorehühi asu anamindühindahindi. Se rawehindi ranana aboedi saf-ane. Se refekoate-ayei ana, sihei hohoanimo ranai moaruwai ratüpurí hohoanimo ranimbo ŋgusüfo botindearümboe.

¹⁰ Nimorehi nindowenihühi-yeimbi aheimboane ndani hoafi nda randihindi asahi ranana wandí hoafiyopoani, nga wani. Ranana Adükarandi hoaf-ane. Hoafi ra yahurai-ane: Nimorehi ai ahandi nindowenihí ranahambo yowani hiníŋgínderímboe.

¹¹ Nimorehi ai randífeyowohü ana, ai moani nindowenihikoate niŋgombowohü asu ahandi nindowenihí ra sowana hihirife hombowohü. Asu nindowenihí ai

ahandi nimorehi ranahambo moei mbüsühi koandihembui, nga yowanî.

12 Nga nindou amuri ranaheimbo ana, royahi wandi hohoanimonambo yangiri rarihe hoafimayahî, nga Adükariñdi hoafiyopoani. Nindou anihondumbo-reandeimbi mamî ai nimorehümbayu ana, asu nimorehi ranai Godimbo anihondumbofe-koateayo ranai nindowenihi rani-dibo niñgombo hohoanimondoani ana, asu nindowenihi ranai ahambo moei mbüsühi hiniñgindeambui, nga yowanî.

13 Asu mare anihondumbo-reandeimbi nimorehi ai Godimbo anihondumbofi-koate nindou serimindoani, nindowenihi ranai nimorehi rani-dibo niñgombo hohoanimoayu ana, asu ahambo moei mbisowohü hiniñginderimboe, nga yowanî.

14 Se ranahambo ndondihi fifirindihindi, nindou düdi Godimbo anihondumbofekoate-yumbü, ai ahandi nimorehi Godimbo anihondumbo-reandeimbi-mayondi fihî ahandi fi ra parareandi ana, nindou ranai Godindi himboahü aboed-ani. Asu nimorehi Godimbo anihondumbofekoate-yoweimbi ai ho nindou Godimbo anihondumbo-mariri ranahandi fihî ahandi fi ra parareandi ana, asu nimorehi ranai Godindi himboahü aboed-ane. Asu rani-moatükunî ra wanayo ana, nîmori ahafe ranai Godimbo anihondumbofekoate-yeimbi-yafe nîmori nahuraindimboe. Nga hapondani ana ai Godindi himboahü aboed-anei.

15 Nga asu, nindou ai Godimbo anihondumbofekoateyu haya, ahandi

anihondümboreandeimbi nimorehi ra moei yahohefembo hinngifembo hohoanimoayu ana, ambesi, nga rambireandamboane. Nga mare nimorehi amboa mam yahurai-ane. Yahurai moatükun tükündifeyoan ana, nindowenihiyu asu nimorehiyo Kraismbo anihondümboreandeimbi nindou ranai nne hohoanimo ai hohoanimomayei süngu, rambürhindamboane, nga aheimbo moai ninimoatükun kikihamindindüri. Nga God ai se aboedi-aboedife nimarimbohünda hinngimareandür-anei.

¹⁶ Godimbo anihondümboreandimbi nimorehi se nüngundo sifah nindowenih ranahambo fandihaworan, asu ai-amboan anihondümboreandeimbi tüküfembo fifrowandüh+yafa? Asu Godimbo anihondümboreandimbi nindowenih, se nüngundo sifah nimorehi ranahambo fandihawandan, asu ai-amboan anihondümboreandeimbi tüküfembo ra fifirwandüh+yafa?

God ai shefimbo mborai mehu ran hohoanimo süngu nimboefimboane

¹⁷ Nga Adükari Sisas ai nindoumbo munguambo ninngombohünda hohoanimo yimumareandüri. Nga nindou ranahambo God ai Krai sowana mborai ehu ana, moan ai mam ran hohoanimo yangiri süngundand. Yahurai hohoanimo ranio ro munguambo ngoafihü Kraiindi nendi amarei ranaheimbo rarthe yamundthe arihandi.

¹⁸ Nindou mam Sudahündi ahambo fi-hoeari karu tirihau-reimbihündi ahambo God ai Krai sowanambo mborai ehu ana, asu ai ngiri

rani-moatükunî ra asükai koadürü-koadürü-ndeandühi dîbonapîndeandî. Asükai nindou ai ahandî fi-hoearî ra kefe tirîhefekoate-yu haya, God ai ahambo Kraîs sowanambo mborai ehu ana, asu ai ngîrî ahandî fi-hoearî ra kande tirîndîhendî.

¹⁹ Nindou fi-hoearî kefe tirîhefe hohoanî-mo-ane asu fi-hoearî kefe tirîhefekoate nîngo hohoanî-mo-ane, ranana moanane. Nga Godîndî hoafî süngufe ho ranane ai moanî aboedî mbumündî hond-ayo.

²⁰ Muŋguambo nindou ai nûngu-nahurai nindou-yei nîboadeianî, God ai Kraîs sowana mborai ehu ana, ranîhü moanî randîhi mbînîboadei-amboane.

²¹ Awi se moanî ratüpurîyeyî-rîhündeimbi nîmboeianîyo God ai sîheimbo mborai ehua? Awi moanane, nga aboedambofembo nafî engoro ana, se rasüngundahindî.

²² Nga asu nindou ranai moanî ratüpurîyu-randeimbi nûnguanî God ai ahambo Kraîs sowana mborai ehu ana, nindou ranai Godîndî hîmboahü moanî ratüpurîyo-rakoateyu-randeimb-ani. Mare yahurai-ane nindou düdi moanî ratüpurîyo-rakoate nûnguanî, Kraîs ai ahambo mborai ehu ana, nindou ranai Kraîsîndî moanî ratüpurîyu-randeimbi nûngumboani.

²³ God ai sîheimbo kaki adükarînambo nahurai masemündündür-anei. Nga ranîmbo-hündambo-anîmbo se ngîrî nindouyafe hohoanîmo süngundowandühi moanî ratüpurîyafî-randeimbi nahuraindafî.

²⁴ Wandafî mamî, mamamî se nîne-moatükunî rarîhinda God ai Kraîs sowana mborai ehu

ana, se mami rani hohoanimo yangir-animbo randihindühi nimboei.

Hoarifamborí asu kaisahoabedí ranahei hoafi

²⁵ Yihoarifi hoarifi ranaheimbo ro moai Adükaríndí-mayo hoafi sahamíndí heheambo-yahipoani, nga moani wandí hohoanímonambo yangir-anahí ro ndaríhe hoafayahí. God ai wambo hípoambo-reandírühi aníhondümboreandíri haya ahandí ratüpurí masendíri.

²⁶ Haponda tíñírifo afíndí engoro ranímbohünda nindou ai moani yahurai-poanímbo mbínünguwamboane.

²⁷ Se nímورهümbayafi ana, asu se nímورهí ranahambo moei mbísamboyafi. Awi asu se nímورهí semíndíkoate-ayafi ana, asu se nímورهímbo kokondamboyafi.

²⁸ Nga asu se nímورهí asowandífi ranana moaruwai hohoanímoyopoani. Nímورهí yihoarifi ranai ho nindowenihí aserímíndo ana, rani-moatükuní ra ai moaruwai hohoanímoyowohü-yopoani. Nga nímورهí nindowenihí ranai nímورهühí nindowenihühí-yahindeimbi ana, hífi ndaníhü tíñírifo afíndí ndahümündimboeyi, nga ranímboanahí yahurai moatükuní ra síheimbo sowahí tüküfembo ro moei asahí.

²⁹ Wandafi mami, ro ndahurai-anahí ndaríhe hohoanímoyayahí. Adükaríndí si ra hapondaní gedühíyopoani aníngo. Awi hapoana hombo nindou nímورهümbí ai nímورهíkoate anüngu nou yare yahurai mbününguwamboane.

³⁰ Nindou düdi araní-araníyu-randeimbi, ai moani afíndí hohoanímokoateyu-randeimbi

manüngu nahurai-mbiyuwamboane. Nindou düdi hihifi-hihifiyu-randeimbi ai nindou hihifi-hihifikoateyu-randeimbi nahurai-mbiyuwamboane. Nindou düdi napo pemiyu-randeimbi ai nindou napokoateyu-randeimb-mayu nahurai-mbiyuwamboane.

³¹ Asu nindou hifi ndan+hündambo ratüpurî ratüpurîyei-rîhündeimbi, ai ngîrî hifi ndan+hündambo ratüpurî ranahambo yangîrî ngusüfo pandîhindî. Hifi haponda ndare anîngo ra ngîrî ndande gedühi hamîndî nîngo.

³² Se afîndî hohoanîmoyo wakife ranahamboanahî ro moei asahî. Anîhondümboreandeimbi nîmorehîkoate hoarîfî anüngu ana, ai Adükarîndî ratüpurî ranahamboani afîndî hohoanîmoyu arandî. Adükarî ai ranahambo hihifi-hihifîmbiyuwa yahuhaya.

³³ Nga asu nîmorehühîfimbî nindou ana hifi ndan+hündambo moatükunîmbo afîndî hohoanîmoyu arandî nîmorehî ai ranahambo hihifi-hihifîmbeyowa yahuhaya.

³⁴ Ranîmboane asu hohoanîmo ahandî ranai yimbumboareandî. Nga anîhondümboreandeimbi nîmorehî nindowenihi-koate yihoarîfî-mayo ranai ana hohoanîmo ahandî ranai Adükarîndî ratüpurî hohoanîmo ranîfihî yangîrî-ane apenîngondo, ai ahandî fi asu yifiafî ra Adükarîndî yangîrî mbînîngowa yahohaya. Nga asu nîmorehî nindoweniheimbî ana, ai hifi ndan+hündambo moatükunî ranahamboane hohoanîmoyo arandî, ahandî nindowenihi ranahamboya ai hihifi-hihifîmbiyuwa yahohaya.

³⁵ Siheimbo ro ranî hoafi ranahambo yowanî

sahandür+hi-yah+poani, nga wani. Ro siheimbo fehefendür+imbo samboanahi hoafi ra hoafayahi. Asu ranan+imbo se mbumundi hohoanimo süngund+hindüh+ Adükar+indi ratüpur+ rani yang+r+ rand+hindüh+ n+imboeian+ ranan+imbo, asu n+n+moatükun+ ranai ng+r+ siheimbo fondam+ind+indür+ ngo saheheamboanahi hoafayahi.

³⁶ Nga nindou ranai n+imorehi sem+ind+imbo d+bon+yahündo-weimbi, ranahambo ngusüfoambe hohoan+moayu ana, asu ai n+imorehi ranahambo sem+ind+imbo af+indi hohoan+moayu ana, ra moani s+s+koate mb+semüdu-wamboane. Rani hohoan+mo ana moaruwai hohoan+moyopoani.

³⁷ Nga asu rani hohoan+mo ranahambo ahandi ngusüfoambe yang+r+ hohoan+moyuhü, asu ahambo rani hohoan+mo ra n+mai bot+ifekoate-ndowohü, ahandi hohoan+mo ranai ng+n+indi n+imar+ndowohü, n+imorehi ra moani mb+n+ngo ehu ana, ra aboed-ane.

³⁸ Nindou ranai sapo ahandi n+imorehi d+bon+mayei ra asemüdu ana, aboed-anesi, nga asu nindou düdi ai n+imorehi moani d+bon-ayei ranahambo sem+ind+koateayu ana, ra moani aboedi ham+ind-ane.

³⁹ N+imorehi nindowenihümbi ana n+ne-hohoan+mo ai hohoan+momayo rani-süngu ng+r+ randeandi ahandi nindowenih+ ai nünguambe ana. Nga nindowenih+ ai y+f+nduan-an+imbo, ai nindowenih+ ngorü sem+ind+imbo hohoan+moayo amboani ai ramb+ifeyo-wamboane. Nga ai Adükar+imbo an+hondümbö-rireimbi yang+r-

animbo nderimindo.

⁴⁰ Asu ai moani yare aningo ana, ai moani mare aboedi ranihü rande hihifi-hihifina niŋgomboe. Ranana moani wandi hohoanimo-ane. Nga ro rarihe hohoanimoyahühi Godindi Yifiafi ranai fiambe nimarimbo farihendiriri arandi asahi.

8

Tikai godimbo ninihondi sihefeimbihündi sesimbo hoafi

¹ Haponda ro tikai godimbo sesi sihefeimbihündi ranahambo wataporimbondiha samboanahi. Bidifiri ai seiya, “Roana fifirihundeimb-anefti,” asei. Yinisi, nga fifirife ranana afindi-afindümbi hohoanimo botireandühane, nga ngusüfo pefe hohoanimo ranane nindou ngorumbo nginiramindi arandi.

² Nindou ranai nine-moatükuniri ra anihondü hamindi fifirihendeimb-anahi ehu ana, awi nindou ranai mungu-moatükuniri ra fifireandeimbi hamindiyupoani.

³ Nga asu nindou didiyei ai Godimbo hohoanimoayei ana, asu God ai nindou ranaheimbo fifireandürimboani.

⁴ Nga asu sapo ninihondi tikai godimbo sihefeimbihündi sesi ranahambo ana ro rarihe hoafayahi: Sihiri ranahambo ndorihu fifirihumboanefti, tikai god ranana anihondü hondüyopoani, nga sisami yangiri-ane. Nga God hondü ana moani mamani yangiri hamind-ani anungu ranahambo sihiri fifirihurimboanefti.

⁵⁻⁶ Asu afindi moatükuniri ranahambo hoafiyehiya “god” asei ane, asu afindi moatükuniri ranahambo “adükari” asei-ane.

Munḡuambo rani-moatükunî god asu adükari ra nîmoamo-ane hifî-n-ane ra aniḡgo ana, I ra ambemboane, ḡga sihiri ana mamî God yangîr-ani sihefi Ape anḡḡu. Aiana munḡuambo moatükunî ra nîmîndühani asu sihiri ana ahand-ane fi anîmboefî. Adükari aiana moanî mamî hamînd-ani anḡḡu asu aiana Sisas Krais-ani. Ahandî süḡguyo munḡuambo moatükunî ranai tüküme feyo. Asu ahandî süḡguna sihiri amboanî anîmboefî.

⁷ ḡga nindou bidîfirî ana ranahandambo hohoanîmo ra moai fifirîhindî. Aiana tikai god horombodîdî ranahambo süḡḡumarîhündî. Ranîmboanei asu tikai godîmbo nînhondî sihefeîmbîhündî ra anîhondü hond-ane masei. Aiana türüfoarîhi fifirîhindühi-yeipoanî. Ranane asu ai sesî sahüsihü, ranahambo ahei ḡḡusüfoambe moaruwai-ane fi aseî.

⁸ Anîhond-ane, ḡga asu sesî aseso ra ḡḡirî God sowana akîmî ndemîndîndürî ḡḡo. Sîhiri sesî ra sesîkoate-ayefî ana, ḡḡirî Godîndî himboahü moaruwai tükündahündî. ḡga asu sihiri asahusifî ana, ḡḡirî ahandî himboahü aboedî tükündahündî.

⁹ ḡga asu se rani-moatükunî ranahambo hibadîhümbo. Se nîne hohoanîmo refemboayei ra randîhindanî, asu nindou düdî ai ahandî Godîmbo anîhondümböfe akîdou safayo ranai hoeîndîhindanîwanî, asu ai-amboa refembo hohoanîmoayei ana, ai moaruwai hohoanîmo-ndeimboyei.

¹⁰ Nindou fifirîwandeimbi se tikai godîndî worî ranambe hafî nîmarîfîmbo sesî sowasîfanî,

nindou Godimbo akidou yangiri anihondumbo-reandeimbi-mayu ranai hoeiareanini ana, asu ai tikai godimbo ninihondi sihefeimbihündi ra sesimbo hohoanimondümbui.

¹¹ Rananimbo asu sihafihohoanimo ranai sihafiwandafihambohöndambo kameihisisas Kraisyifimayu, sapo akidou yangiri anihondumbo-reandeimbi-mayurarahambo moaruwaimbo-nderimboe!

¹² Ransiungumbo-animbo asu se sihafiwandafirarahambo hohoanimo moaruwaimborowandoani, ai ahandi ngusüfoambe ninimoatükuniyo aboediyo asu moaruwaiyotürüfoefe hohoanimo ra moaruwaimborowandi. Ranimboane asu se Kraimbohohoanimo moaruwaimbo-marowando.

¹³ Ranimboane asu nini sesi wandiwandafirarahambo rarerani moaruwai hohoanimo asemündu ana, ro ngiri sesi ra asükaind dagadihi, wandi wandafi ai moaruwai hohoanimo-ndümbuimbohünda.

9

Por amboani Kraisindi hoafi sowandümo homo-rundeimbi bidifiri nahurai-ani

¹ Ro nindou-yafe hohoanimo süngufekoate-anahi moani aboedi animboahi. Ro Kraisindi hoafi sahamindi harihandaimbi animboahi asu sisas sihefi Adükari hoeimarhini. Ro Adükarindi ratüpuriratüpurimayahi sünguyo muṅguambo seana anihondumbo-rihindeimbitükümehindi.

² Asu wambo nindou bidifiri ai Godindi hoafi semündu hurandeimbiyupoani masei. Nga se fifirihimboanei, wandi ratüpurirahambo se

anihondümbö-rihindeimbi tükümehindi ranina ro Adükarindi hoafi sahamindi ha-rihandeimb-anahi ranahambo nafuimayo.

³ Nindou bidifiri ai wandi hohoanimo ra yiboborihinda rani hoafi ranane simbori hoafiyahandüri arihandi.

⁴ Kraisindi hoafi sahamindefi hefi-rihundeimbi ro yihoe fi ratüpurü ranimbohünda sesi, sesi asu hoe simindimbo, ra ahinümbiyö?

⁵ Asu Adükarindi akihoandi-yomo, Pitayu bidifiri Kraisindi hoafi sowandümo homo-rundeimbi-yomo ai ramefundü nou anihondümbö-reandeimbi nimorehi-dibo hoafi semindi hoahoangombo ra ahinümbiyosi?

⁶ Awi Barnabas-dibo ro yangiri yihoe hi fi farihefembo kaki semindi ratüpurü ratüpurüyoani, asu amuri Kraisindi hoafi sowandümo homo-rundeimbi ranai wanimboyo?

⁷ Nindou mamü ai amimbofi anüngu ra ahandihoari sesi kokombo-mandüfiosü? Nindou ai nümbürü hifareandi ra ahandihoari sesi yimungu-remindükoate-mandüyosü? Asu nindou ai burmakau moanguiarandi ra ahandihoari burmakau titi boboe ra simindükoate-mandüyosü?

⁸ Roana nindou-yafe hohoanimo süngu yangiriyahipoani hoafayahi. Nga ahinümbi hohoanimo amboani yahurai hoafimayo.

⁹ Nga Mosesindi ahinümbi hohoanimo ranambe sürü papirandühi yahoya, "Burmakau ai wit hipiri fifirigendani se yowanü ahandi yafambe kikihemindüpoani, bidifiri wit

dedimboe yaho hefembo,” meho. Asu God ai burmakaumbo yangiri hoafiyuwaisi?

¹⁰ Ranana yihoefimboyu hoafimayu. Anihondane, Bukambe hoafimayo ra sihefimbo rambirihinda yahohayamboyo. Nindou ngorü ai nübürü hifireandanayo, asu ngorü ai yimungu-ramüduanayo, ranai sapo ahafandi ratüpurayafani ranimbohünda sesi ra bidifiri semindimbo hohoanimo-mbeyafandamboane.

¹¹ Ro sihei mbusümo Yifiafi Aboedindi-mayo hoari ra hifi kamarihundi, ranimbohünda se yihoefimbo fi farihefembo bidifiri sesi saimbo ra yowanimandiyosi?

¹² Sapo se nindou bidifirambo sihei-mayo napo semindimbo yini, asei ana, asu yihoefimbo amboan afindimbo yini, mbseiamboane.

Ro sihei-mayo napo semindi ra nafi yangorosi, nga ambe masefi. Ro semindikoate-mayefi ra, sapo Kraisindi aboedi hoafi ra nafi gifepoani, sefi hoahumboyefi. Ranimboane ro tihirifo afindi sahumindefi arihundi, nga ranimbo moanane asefi.

¹³ Se fifirihindai, nindou Godindi adükari worambe ratüpuriyomo arundi, ranai ranifihindane sesi sowandümo arundi. Nindou Godimbo ninihondi hifokoaru sihou-rundeimbi fondi raniwami ratüpuriyomo arundi, ranai sihefembo fondi raniwaminindane ninihondi bidifiri sowandümo arundi. Awi ra se moai fifirihindayo?

¹⁴ Mami rani-sünguyo, Adükari ai yahuya, “Nindou aboedi hoafi wataporimbo-arundi ranai nindou wataporimbo-arunduri ahei-

mayo bidifiri napo ahamundi fi fehefembo mbisahüpur-amboane,” mehu.

15 Nga ro moai rasüngurihundî. Asu hapondani amboani sihei-mayo napo semindimbo-yahipoani pas nda sürü paparihandi, nga wani. Ro napo semindikoate ranahambo hihifi-hihifayahî, asu ngiri ngorü nindou ai ro hihifi-hihifayahî nafi ra gündeandi. Ai rambareambonana, ro yifayahî ra aboed-ane.

16 Ro Aboedi hoafi hoafindahühi ra ngiri wandi fimbo borindahühi roana aboedi hohoanimo sünguriheandeimb-anahi mbisahi, nga wani. Sapo Aboedi hoafi hoafimbo ranana wandi ratüpurî wambo ro ngiri hiniñgindiheandi. Ro aboedi hoafi hoafikoate-yahi-mbonana, ro ngiri aboedi nimboahi.

17 Ro wandi hohoanimo süngu ratüpurayahî ana, ranifihî takini ndahamindimboyahi. Nga Adükari ai wambo rani ratüpurî ra masendiramboanahi ro ratüpurayahî.

18 Asu ro nini takini wandi ratüpurî ranimbohünda mandahamindiha? Ro takini semindimbo-mayahî aboedi hoafi hoafiya arihandi ranimbo-hündambo ranana moai nini-moatükuni sahamindihi. Nimorehi nindowenihimbo moani hoafimbo ranahambo takini nahurai-ane.

Por ai munquambo nindou-yei moani ratüpurîyu-randeimbimbofi manüngu

19 Ro nindou ngoründi moani ratüpurîyarihandeimbi-yahipoansi. Nga asu ro wandi hohoanimonambo Kraisindi nindou tüküfembohünda nindou afindi safi semindimbo

ahei moani ratüpurîya-rîhandeimbi nahurai animboahi.

²⁰ Ranîmboane ro Suda-dîbo nîmboambo ahei hohoanîmo sünguarîheandi, Suda aheimbo aboedambo-fendürîmbohünda. Ahînümbî hohoanîmo ra moai wambo hîfandîrandîrî, nga nindou-yei himboahü ahînümbî hohoanîmo ra süngurîheandühî nou-ayahî ahînümbî hohoanîmo süngurîhindeimbi aheimbo aboedambo-fendürîmbohünda.

²¹ Asu Suda-yafe ndîfo ahînümbî hohoanîmo süngufekoate-ayei, ranaheimbo ro-amboanî ahînümbî hohoanîmo süngufekoate-ayahî aheimbo aboedambo-fendürîmbohünda. Nga asu ro moai Godîndî ahînümbî hohoanîmo ana hîningîrîheandi. Wanî, nga Kraisîndî ahînümbî hohoanîmo ana süngurî-heandühanahî.

²² Asu didîyei ngînîndî anîhondümbofekoate-ayei, ranaheimbo semîndî-ndürîmbohünda ro-amboanî ngînîndî anîhondümbofekoate nahurai-ayahî. Ro nindou bîdîfîrî aboedambo-fendürîmbohünda nafî kokombo muŋguambo nindou-yei hohoanîmo süngurîhe arîhandî.

²³ Ro ranî ratüpurî ra rarîhe marîhandî, Sisasîndî aboedî hoafi ra ngînîndî tükümbîfeyowa sahehea. Rananîmbo ro-amboanî Adükarî ai aboedî hoafîndî aboedî moatükunî nindou ranaheimbo saimbo napîre masîhendî ra ndahamîndî sahehea.

Sîhîrî napo semîndîmbo pîpîndefomboane

²⁴ Sapo se fîfîrîhîndî napo semîndîmbo pîpî ranambe muŋguambo nindou pîpîyehanei, nga mamî yangîr-anîmbo pîpî ranahandî napo ra

ndemündümbui. Nga ranimboane se-amboani napo semindimbo pipi ra tiji rifondei.

²⁵ Munguambo nindou pipi ranambe napo semindimboaye ana, ahei fimbo hohoanimo ra hinijgirihi hehi, napo semindimbo pipi ranambe tiji rifoeyihanei. Aiana awarihoei-randeimbi napo semindimbo tiji rifoeyi arihundi, nga ro awarihoefekoateyo-randeimbi napo semindimbo tiji rifoeyi arihundi.

²⁶ Ranimboane ro nindou napo semindimbo pipiyuhü amuri himbokoate ahu nahurai-ayah. Asu nindou fifahi yangoambe diboadore yangora arandi nou raweheandi, nga moai mamikari yangorihandi, nga wani.

²⁷ Nga ro hohoanimoayah süngufembo tiji rifoayahü wandi fi yamundihe arihandi.

10

*Ngiri siri Israer hohoanimomaye
süngundihundi*

¹ Wandafi mam, sihefi amoa mam ai Moses sünguhoran, nine-moatükuni aheimbo-so tükumefeyondüri ranahambo-animbo hoeindihirühi ndondhi hohoanimo ra türiboadihindi. Aiana hamburi siriwara aboeda bamarihendi munguambo mburüngai mam ranihoarehi nimboeimbo.

² Mburüngai-ambeyo asu siriwara-ambeyo ra ai Mosesndi süngurihündei-mbimboyahi hundürimaye.

³⁻⁴ Nindou munguambo ai God sesi masendi ra sahüsi asu, God hoe masendi ra simindei marihundi. Asu ai hoe ra masimindei Godindi

nimoei aboedambeahindî asu nimoei ra ahei sũngu maho. Nimoei ranana Krais-ani.

⁵ Nga asu God ai nindou afindî aheimbo hihifi-hihifikoate-yundurîhi, asu ranimboyo nimî wohî furikoate-reandûhî yifisafiyehî, ahei yifinimoko ranai moanî mamîkare kurîmayo.

⁶⁻⁷ Rani-moatükunî aheimbo tükümfeyondürî ranana sîhirî hoeifembohünda nafuimboane. Nindou bidifirî ai moaruwai moatükunî ra sũngumarîhündî asu sîsamî god ranahambo sũngurîhi marîhündî, ranimboyo se-amboanî rani-moatükunî ra yowanî rani-sũngufepoanî yaho haya yare nafui-mayo. Bukambe yare hoafiyowohü yahoya, “Nindou ai sesesiyo asu wain hoe sîmindîrambo nîmareimbo, asu ai botîyahi hihifi-hihifyehî nîmorehî sîsîhimoyei marîhündî,” meho.

⁸ Sîhirî ana nîmorehî sîsîhimoye, nindowenihî birabirî hohoanîmoyopoanî, nindou bidifirî ramehindî nou. Raniyo mamî-simboanî 23,000 nindou ai yifisafi kurîmayei.

⁹ Ranimboane asu sîhirî ngîrî Adükarî ahambo sîsîndîndîhurühî, randîhurî hoeindîhurî nindou bidifirî ai ahambo ramarîhorî nou. Aiana ramarîhorî ranimboyei aheimbo amoasîrî ai tikîrîmarandüra yifisafîmayei.

¹⁰ Nindou bidifirî ramehindî nou, sîhirî nîni-moatükunî tüküfeyoanî hoafîyo hoangopoanî. Nga ranimboyo nindou bidifirî ranai ramehinda sünambeahindî nendî nindou hîfokoare-randeimbî ai aheimbo moaruwaimbo-mareandürî.

¹¹ Rani-moatükunî aheimbo tükümfeyondürî ra nindou bidifîrambo nafuimbo nahuraiyo,

nga ranimboyo asu ranimoatükuni ranahambo sihefimo ahini hoafomböhünda sürü papiru masihoemo. Sihiri ana ndeara bidifiranambo si tüküfembo bidifirühanefi animboefi nda.

¹² Ranimboane asu nindou mamai ai hoafiyuhüya, “Roana nginindi nimboambo-anahi,” ehu ana, moani ai hibadambo-animbo nungu, nga asu ai pündümbui.

¹³ Nine refe hoeifembo moatükuni siheimbo sowahi tüküme Feyondüri, ranana ranipoanimbo moatükuniyopoani, nga wani. Siheimbo sowahi tüke Feyondüri ra bidifirambo amboani tüküfendüri arandi nahurai-ane. God ai hoafiyu masihendi hohoanimbo rasünguareandi ana, asu ngiri nini-moatükuni siheimbo refe hoeifembo tükefeyo ranai sihei nginindi ranahambo ngasündeandi, nga God ai siheimbo ngorüsüngunde fandheirimbi. God ai-animbo siheimbo nginindamündündürani, asu se nginindi nimboeimboyei nine-moatükuni siheimbo refe hoeifembo tüküfe simboani. Rananimbo asu ai siheimbo aboedi nafi koandheira tükündahimboyei.

Sihiri ngiri God asu moaruwai nendi yibobo süngundihundi

¹⁴ Wandafi mamai hondü, ranimbo-animbo se moaruwai nendambo didibafife ranifikimi hopani.

¹⁵ Se fifirihindeimbi nindou-aneisi, nga ro siheimbo hoafi nda hoafehandüri, nga ro hoafayahandi se siheihoari türüboadihindi.

¹⁶ Adükari ndi kap nda Godimbo didibafiyahu hihifirihuri mburihu simindefi arihundi

ra sihefimbo Kraisindi horinambo mamihüreamuni arandi. Sapo bret bidifiri hifitirihu arihundi ra Kraisindi fi ranifih mamihüreamuni arandi.

¹⁷ Sapo bret mami engoro ranimbohündambo wamboane, asu nimorehi nindowenih sihiri afind-anehi, nga fi mamayefi. Sapo munguambo sihiri bret mami ranahandamboane sahusifi arihundi.

¹⁸ Se Israer nindou ranaheimbo hohoanimo-ndahündürü. Ranihündambo nindou ana ai Godimbo fondiwami sesi sihefeimbindambo sahüsimbi, ranai ana sapo sesi Godimbo sihefeimbi babidimboyei ai mamühiyahi marihündü.

¹⁹ Se ngiri randihi hohoanimondeihiya, Ro Por tikai godimbo sesi saimbo ra anihond-ane asahi mbisei. Roana moai tikai god ranhambo anihond-ane sahi.

²⁰ Wani, nga ro rarihe hoafayahi: Nimoatükuni Godimbo süngufekoate nindou ai sesi asihendi, ranana ai moaruwai nendi ranaheimbo hohoanimo-yahündürüthanei aheimbo asihendi, nga Godimbo ana wani. Ranimboanahi ro siheimbo moaruwai nendi rani-babidimbo mamihüfembo yowan asahandüri.

²¹ Se ngiri Adükarindi kap ranambe ndimindei asu moaruwai nendi-yafe kapambe ndimindei ndihündü. Asu se ngiri Adükarindi sesi dagüdi asu moaruwai nendi-yafe sesi ra dagüdi ndihündü.

²² Awi sihiri randihundani, Adükarü ai sihefimbo ngusüfoambe moaruwaimbo-mbireamuni sefimboyefa? Asu sihefi nginindi

ra ahandi nginindimbo ngasündeamboyo?

Munquambo si aho ra Godimbo aboed-ani yahomboane

²³ Bidifiri seiya, “Munquambo moatükuni ra shiri randihumboane,” asei. Yinisi, nga asu ngiri munquambo moatükuni shiri rawarihu hefi ranai shefimbo fandihemuni. Bidifiri seiya, “Munquambo moatükuni ra shiri randihumboane,” asei. Yinisi, nga asu munquambo moatükuni shiri rawarihundi ranai ngiri fandihemuna nginindi nimboefi.

²⁴ Nindou mamai ai ngiri ahandi fimbo yangiri hibadandi, nga wani. Nindou munquambo ai ngorumbo fehefembo hohoanimondei.

²⁵ Munquambo maketambe ninihondi safi sahümündeimbi ranana dagüdi, nga ranahambo aboedimbayo mbisei hehi afindi hohoanimondeihü düdu-düdundei wakindihimboyei.

²⁶ Nga Bukambe yare hoafiyowohü yahoya, “Hifi ndan-ane asu munqu-moatükuni hifi ranifihü engoro, ranane munquambo ra Adükarindi yangir-ane,” meho.

²⁷ Asu nindou mamai Godimbo anihondümbofekoateyuweimbi ai sheimbo ho ahandi worambe sesimbo hoafinduanü, asu se hombo hohoanimoayei ana, nine sesi sheimbo asahündüri ra se dagüdi. Nga asu se ranahambo afindi hohoanimondeihü, düdu-düdundei wakindihimboyei.

²⁸ Nga asu nindou mamai ai hoafiyundürühüya, “Sesi ndanana moaruwai nendambo shefeimbihünd-ane,” mbüsüwanü ana, se sesi

ra dagüdimboyei, nindou ai yare hoafimayu mbisei hehi asu ngusüfoambe moaruwai-ane yaho hohoan+mombohünda.

²⁹ Ro sihei ngusüfoambe moaruwai-ane yaho hohoan+mombo-yahipoan+. Nga nindou ngorü ai ngusüfoambe ranahambo moaruwai-ane mbüsümbui ran+mbo hohoan+moayah+.

Ro wand+hoari ana sesi ra dagadimboyah+, nga asu nindou ngorü ai moaruwai-ane ehu ana, ngiri wand+ ratüpur+ ra gündeand+.

³⁰ Asu ro Godimbo h+h+fir+hün+ hehea sesi ra sahas+han+, asu n+mboe nindou ngorü ai ro h+h+f+mar+hün+ ranahambo moaruwai-ane ehua?

³¹ Ran+mboane asu se sesi ra dagüdi, hoe ndim+nde, asu n+ne-moatükun+ aho ra rawar+hind+ ra, muŋguambo Godimbo adükar-ani yahombo-hündambo-an+mbo rand+hind+.

³² Se n+n+moatükun+ rand+hindüh+ Suda-anei, ahei ndifo-anei, asu Godind+ nend-anei ranaheimbo hoeind+hindüh+ moaruwai-ane mb+seimboyei.

³³ Ro-amboan+ muŋguambo nindou ai refem-boayei ran+ hohoan+mo-ane rar+he ar+hand+. Roana wand+ fi ranahambo far+hefembo yang+r+ hohoan+moyopoan+ rar+he ar+hand+, nga wan+. Roana muŋguambo nindou ranaheimbo God ai

11

aboedambo-mb+reandür+ hohoan+mo ranane ratüpur+ya ar+hand+. ¹ Se wand+ hohoan+mo ra süngund+hi ngei, ro Krais+nd+ hohoan+mo süngur+he ar+hand+ nou.

Nimorehi ai mbiro gabudifembo hoaf-ane

² Ro siheimbo hihifi-hihifayahandüri, sapos munguambo si aho ra wambo hohoanimo-yahündirühi, asu ro siheimbo yamundihearühi sihei warambe masahandüri, ra süngurihü hei marihündambo.

³ Nga ro siheimbo ndani-moatükuni ndanimboanahi ndondihi fifirindihindi asahi ra ndahurai-ane: Krais ai munguambo nindou-yei mbiro-ani, nindowenihai ai ahandi nimorehi ranahandi mbiro-ani, asu God ai Kraisindi mbiro-ani.

⁴ Ranimboane nindou düdi ai nindou himboahü mbiro gabude haya, Godimbo didibafifi asu Godindi hoafi hoafayu-ane ra Kraisimbo moaruwaimbo-rirühi nou-ani.

⁵ Nga asu nimorehi mamai ai ahandi mbiro ra gabudifekoate didibafife arand-ane, asu Godindi hoafi hoafayo-ane ra ai ahandi anamindi ranahambo moaruwaimbo-rerihü nou-ane. Nimorehi ranai ana sapos amoaningi-mbeyowa sei hehi, mbiro foarihesindeimbi moani aningonahurai-ane.

⁶ Nimorehi ranai ahandi mbiro ranahambo gabudifembo wanindowohü ana, ai mbirinani ra bodifo kikirandühi tüpurimbirihendamboane. Nga asu nimorehi ranai ahandi mbiro ra kikiyo foarihefembo amoaningindowohü ana, asu ai mbiro ra gabudimbi-reandamboane.

⁷ Nga asu nindowenihai aiana ahandi mbiro ra gabudeambui. Aiana sapos Godindi ndüreimbi asu nginindi nafuimbo sisami nahurai-ani. Nga asu nimorehi ahandi ra süngumbo nindowenihai

ai ndüreimbi-ndümbui.

⁸ Nga moai nindowenihî ai nîmorehîndî hamîndînambo tüküfiyu, nga nîmorehîyo nindowenihî ranahandî hamîndînambo tükümeſeyo.

⁹ God ai moai nindowenihî ranahambo nafîrûrî nîmorehî ranahambo fehefembohünda, nga wanî. Nga nindowenihî ranahambo fehefembo-hündamboyo nîmorehî ra nafîmarandî.

¹⁰ Ranî-mayowamboane sünambeahîndî nendî ai hoeifeyoanî, nîmorehî ranai Godîndî ratüpurî ratüpurayo ra nafuimbohünda, ai ahandî mbîro ra gabudî-mbîreandamboane.

¹¹ Nga Adûkarî-babîdî anîmboefî ranana nîmorehî ai moai aheipoanîmbo nîboadei rîhündî. Asu nindowenihî ai moai ahamundîpoanîmbo nîngomo rundî, nga wanî.

¹² Nga God ai nîmorehî ranahambo nindowenihî ranahandî finambo randî nafîmaranda, nîmorehî ranai tükümeſeyo. Nga asu God ai haponda nindou ranahamumbo nîmorehî-yei furambe nafîrapurî arandî. Asu muŋgu-moatükunî ra Godîndî süŋgu-ane tüküſearandî.

¹³ Sîheihoarî hoafî ndanahambo türüboadîhindî: Ranîmboane asu nîmorehî ai ahandî mbîro ra gabudîſekoate, nindou hîmboahü Godîmbo dîdîbafîſe hoafî ra aboedîyo?

¹⁴ Nindou sîhefî hohoanîmonambo yangîr-ane sîheimbo rahurai nafuiyoarandî. Nindowenihî ai mbîrînaŋî hoandarümbî ana, aboedî hamîndîyopoanî.

15 Nga asu nimorehi ai mbiri+nanji hoandarumbayo ana, ranamboani aboedi himbombeyo-wamboane. Sapo rani+moatükuni ra God ai ahandi mbiro gabudifembohünda masagado-ane.

16 Nga nindou mamä ai rani+moatükuni rana-hambo hoafi+ndu hoanguhü ana, ai ranahambo ndore tümbifoareand-amboane: Roanahi asu Godi+ndi nend-anei ro moai ngörü hohoanimo sünguri+hu ri+hundi.

Adükarindi sesi sesimbo

17 Nga hapoana ro siheimbo bidifiri+ moatükuni yamundi+heandüri samboanahi, nga asu se nine+moatükuni ratüpuriyei arihündi ranahambohünda ngiri ro siheimbo hihifi+hihifi+ndahandüri. Se Godi+ndi hoafi himborimbo fandi+hindühi, asu se moaruwai hohoanimo afindi hohoanimoayei ra moai nindou fari+hendüri randi.

18 Siheimbo ndani hoafi nda boatei hoafi+nda samboanahi: Asu seana fandi+hindühi yikürübüyei wakiri+hi-ndühanei. Ro rani hoafi ra rari+he rahurai himborimayahi, nga asu ro hoafi ranahambo aki+dou anihondümbö-martheandi.

19 Nga awi anihondü yikürübüfe hohoanimo tükümbifeyo-wamboane, sapo düdi sihei mbusümo animboei ranai Godi+ndi hohoanimo sünguari+hindi ra ndori+hi hoeimbiri+hindamboane.

20 Ranimboanei asu se mamä fandi+hindühi, asu Adükarindi sesi ra ndofe mamä nimarimbo sesikoate-mayei.

21 Rananei asu nindou mamamä se sesi ra siheipoanimbo sahümündi hehimbo, nimai

sahüsi arihündi. Ranane asu nindou bidifiri ai moani wembopo nimateiani, asu bidifiri ai afindi hamindi sahüsihi, hoe simindeihi, hohoanimo mamikararanduri arandi.

²² Awi se sesi, sesi asu hoe simindi rambo ra worikoate-wamboyei? Asu se Godindi nendi ranaheimbo moananei seimboyei, wandafi mam bidifiri ranaheimbo sesi napokoate ai mamareia, amoaningambo-arihinduri. Ro siheimbo nungundihe hoafimandahandur-a? Awi ro siheimbo hihifi-hihifi-mandanduriyo? Wani yangir-ane.

²³⁻²⁴ Yamundife hohoanimo nda Adukarindi-mayo sahamindi heheambo-anahi, asu siheimbo masahanduri. Rani nimbokoani Sudas ai Adukari Sisasimbo hurutumbi nindou-yomondi warihumariramboyu asu ai bret mam ra semündü haya, Godimbo hihifiruri mbura, hifitire haya, hoafiyuhü yahuya, "Bret nda wandi fisaf-ane, sihamumbo farihfefepurimbohünda. Nandi-moatükuni nda se randu ndundi, wambo hohoanimomböhünda," mehu.

²⁵ Raniyu asu sesi ra sowasümo mburu, mare yare yahurai kap amboani semündü haya, hoafiyuhü yahuya, "Kap ndanana Godindi simbori hoafi femindi sihefe moatükun-ane, asu wandi horinambo nginindi tükundifemboe. Nandi-moatükuni nda se nini-simboani-yomo asimindimo ra se randu ndundi wambo hohoanimo-yondirimbohünda," mehu.

²⁶ Munguambo si ra se bret nda sahüsi asu kap ndanambe simindi arihündi ana, Adukari ai yifimayu ranahambo weindahi hoafiyei rihündühanei. Rani-moatükuni ra

se randihi ngeiani, asu Adükari ai hihirifi mbikusuwamboane

Nindou ai Adükariñdi sesi moaruwaimbo-areandi ana, ai hüti-ani

²⁷ Ranimboane nindou düdi ai ndofe hohoanimo-koateyuhü, ai bret ra sesü, asu kap ranambe hoe sümündü arandi ana, Adükariñdi fi asu hori ra moaruwaimbo-reandühani, asu nindou ranai ahandi fi hüti-anandi.

²⁸ Nindou ai moani ahandi fi ranahambo hohoanimodu hoeindeandühi animbo, ai bret ra dedü asu kap ranambe hoe ndümündü ndandi.

²⁹ Rani-moatükuni ra rahurai-ane: Nindou düdi ai Adükariñdi fi ranahambo ndofe hohoanimo türüfoefekoateyu haya, moani sesi ra sesü, kap ranambo hoe simündi arandi ana, ai ahandi fi ra ahandihoari hüti-anandi.

³⁰ Sapo ranimboanei nindou afindi se angünimboyeihü, hamandi kemindikoate-yeihü, asu bidifiri ai yifimayi.

³¹ Asu sihiri sifehihoari sifehi fi ranahambo türüfoarhundühi, bret sahusifi, asu hoe asimindefi ana, Godindi himboahü ngiri hütindefi.

³² Nga asu Adükari ai sifehi hohoanimo ranahambo türüfoare-amunühi, aboedikoate-mayowambo sifehi hohoanimo ngorü-süngure arandi. Ai sifehimbo rawareamun-animbo, asu sihiri ngiri hifi ndanihündambo nindou rawehindi nou, ai-babidi awarindihhundü.

³³ Wandafi mamü, rani-mayoamboane, asu se sesimbohünda fandihündühi ana, awi se sesimbo mbiseimbo ra bidifirambo hibadihündürü hehimbo animbo, mamü dagüdi.

34 Nindou düdi ai wembombonduhi ana, ai ahandi worambe animbo mbisesüwamboane. Rananimbo asu se mamî fandihindühi amboani, asu ngiri Godîndi papi-hoafi ranambe ngei. Bidifiri hoafi awi engorosi, nga asükainda tükündaheandüh-animbo ranamboani didiboado-ndiheamboyahi.

12

Yifiafi Aboedîndi-mayo ranipoani ranipoani ratüpurî moatükunî

1 Wandafi mamî, ranipoani ranipoani ratüpurî Yifiafi Aboedî sai-arandi ranahambo se ndorîhi fifirîmbîrîhinda samboanahi.

2 Horombo se Godîndi hoafi süngufekoate nimboeambe, ranîsimboani ana munguambo si maho ra sisami god hoafikoate, yifi nahurai mengoro, ranî sowanamboyo ai siheimbo hürîhümündî-hündürî hei marîhünda, asu ranî süngu hei marîhündî ra se fifirîhimboanei.

3 Ranimboanahi asu se ndani-moatükunî ranahambo fifirîndîhindî asahi, ra ndahurai-ane. Asu Yifiafi Aboedî ranai nindou ngoründî fiambe amaro-ana, nindou ranai ngîrî hoafîndühîya, “Sisas ai moaruwaimbo-mbîfiyuwamboane,” mbüsu. Nga asu nindou mamî ai hoafiyuhüya, “Sisas ai Adükar-ani,” ehu ana, asu ai Yifiafi Aboedîndî süngu yangîr-ane hoafiyu arandi.

4 Yifiafi Aboedîndî ratüpurî ra afînd-ane engorosi, nga asu awi Yifiafi ranana mamî ranî yangîr-ane sagadürî arandi.

⁵ Adükari^{ndi} ratüpurⁱ ra rani⁻poaniⁱ rani⁻poaniⁱ ratüpur⁻anesi, nga asu Adükariⁱ mamⁱ ranahamboane ratüpurⁱyei arⁱhündi.

⁶ Rani⁻poaniⁱ rani⁻poaniⁱ ratüpurⁱ nginⁱnd⁻ane, nga God mamⁱ ranai⁻ani nindou mun^{gu} ranaheimbo nginⁱndiⁱ ra sagadürⁱ arandi.

⁷ Yifiafiⁱ Aboediⁱ ranane ahandi⁻mayo nginⁱndiⁱ ra nindou mamamⁱ ranaheimbo tükufe arandiⁱ nindou mun^{gu}ambo farⁱhefe⁻ndürⁱimbohünda.

⁸ Nindou ngorümbö Yifiafiⁱ Aboediⁱ ranai nginⁱndiⁱ sagadowohane ndofe hohoanimo wataporⁱimbo-yondürⁱimbohünda. Nga asu nindou ngorümbö mare Yifiafiⁱ mamⁱ ranai nginⁱndiⁱ sagadowohane ndofe fifi^rife ranahambo wataporⁱimbo-yondürⁱimbohünda.

⁹ Yifiafiⁱ mamⁱ ranane nindou ngorümbö anihondümbofe hohoanimo ra sagado arandi. Asu mare Yifiyafiⁱ mamⁱ ranane ai nindou ngorümbö nindou an^günümbo⁻yeimbimbo didi^{bo}ado⁻fendürⁱ⁻rambo nginⁱndiⁱ ra sagado arandi.

¹⁰ Asu nindou ngorümbö hepünifeimbi moatükuniⁱ refembo nginⁱndiⁱ ra sagado arandi. Asu nindou ngorümbö Godⁱndiⁱ hoafiⁱ hoafiyo rambo nginⁱndiⁱ ra sagado arandi. Asu ngorümbö ai Yifiafiⁱ Aboediⁱndiⁱ-mayoyo asu moaruwai nendi^{yei}-mayoyo ratüpurⁱ ra türüfoefembohünda nginⁱndiⁱ ra sagado arandi. Nindou ngorümbö rani⁻poanimbo hoafiⁱ hoafimbo nginⁱndiⁱ ra sagado arandi. Asu ngorümbö rani⁻poanimbo hoafiⁱ hi^hi^rifoefe hoafiⁱ nginⁱndiⁱ ra sagado arandi.

¹¹ Yifiafiⁱ Aboediⁱ mamⁱ ranane ai rani⁻

poan+imbo rani+poan+imbo ng+n+ind+ ranahambo yare arand+ asu ai-ane moan+ ahand+ hohoan+monambo yang+r+ nindou mamam+ ranaheimbo ng+n+ind+ y+boborearü arand+.

Munquambo sih+i+ fi mam+ ranahandambo bidif+r-anes+

¹² Fi ra mam-anes+, nga asu ngorü-poan+ ngorü-poan+ moatükun+ ra ran+fi+ pap+reamboane. Ahand+ ran+poan+ ran+poan+imbo moatükun+ af+nd-anes+, nga fi mam+ ran+fi+ türemarand-ane. Krais ai rahurai-ani.

¹³ Mam+ ran+süngumboane munquambo sih+i+, Suda, Suda-yafe nd+fo, moan+ ratüpur+yey+r+hündeimbi, asu moan+ n+imboeimbi nindou, sih+i+ fi mam+ ran+nambo hundür+mayef+. Asu munquambo sihef+imbo God ai Yifiaf+ mam+ ra masemuni+.

¹⁴ Fi ranana moan+ mam+ moatükun+nambo yang+r+yopoan+ pare haya an+ngo. Aiana af+nd+ ran+poan+ ran+poan+ moatükun+ ra pap+re mbu-ramboane fi ra mam+ nahurai an+ngo.

¹⁵ Asu t+i+jar+ ai hoaf+ndowohüya, “Roana wat+i+jar+yah+poan+, ran+imboane asu ro fi ranahand+yah+poan+,” mb+s+imboesi+, nga sapo aiana fi mam+ ranahandamboane.

¹⁶ Asu h+imboambe ai hoaf+ndowohüya, “Roana h+imboari+yah+poan+, ran+imboane roana fi mam+ ranahand+yah+poan+,” mb+s+imboesi+, nga sapo aiana fi mam+ ranahandamboane.

¹⁷ Asu fi munqu ranai h+imboar+ ran+ yang+r+rayo ana, asu nüngunde h+imbor+manda? Asu fi munqu ranai h+imboambe ran+ yang+r+rayo ana, nüngunde fis+i+jarü kamadada?

18 Fi mamɪ ranana ai yahuraiyopoani, ŋga God ai moani ahandi hohoani monambo rani-poani rani-poani moatükuni ra fi mamɪ rani fihɪ papimareandane.

19 Ŋga asu fi mamɪ ranahandambo moani mamɪ rani yangirayo ana, asu fi ranai nahü maningoa?

20 Fi ranai moani yare niŋgowan-ane, asu fi mamɪ rani fihɪ rani-poani rani-poani moatükuni ranai papire haya aningoa.

21 Rani mboane asu ŋgiri himboari ai watinjarimbo hoafindowohüya, “Ro ŋgiri sihambo ndahamindihanini,” mbiso, ŋga wani. Asu ŋgiri mbiro ai tinjarimbo hoafindowohüya, “Roana ŋgiri sihambo ndahamindihanini,” mbiso, ŋga wani.

22 Ŋga awi sihiri nahaniniyo sihefi fi ranahambo ranana ŋginindeimbi-yopoani asefi, rani-moatükuni ranai fi rani fihɪ paiarikoate-ayo ana, asu ŋgiri fi ranai aboedi ndonde niŋgo, ŋga wani.

23 Asu fi ranahandambo bidifiri moatükunimbo sihiri aboedi moatükuni-yopoani asefi, ranahamboanefi sihiri aboedi yihuru arihundi. Ŋga asu fi ranahandambo bidifiri amoaninŋimbü moatükuni ranahamboane aboedi didiboado-arihundi.

24 Fi bidifiri aboedi ra moani hininŋirihu arihundi. Ŋga God aiyu ahandihoari munŋuambo rani-poani rani-poani fi bidifiri ra fi mamɪ rani fihɪ mamambere hininŋimareandi. Raniyu asu fi bidifiri ranahambo moanane asefi ranahambo ai ndorihoeimbi hininŋire marandi.

25 Fi mamî ranai ŋgorü-poanî ŋgorü-poanîmbeyo yahuhayambo yare hîningîreambo-yupoanî, ŋga fi mamî bidîfirî, mamî bidîfirî ranai mamî hohoanîmo süngu sîmborî farîhefirü-mbeyeia yahuhayamboyu yare hîningîmareandî.

26 Ranîmboane fi ra ŋgorü mamî bidîfirî asübusîmboayo ra, asu fi mamî muŋgu ranai-amboanî asübusîyowohane. Asu fi ra mamî bidîfirî aboed-ane aseï ana, asu muŋguambo fi ranai-amboanî aboedî hîhîfî-hîhîfîyowohane.

27 Ranîmboane muŋguambo nindou se Kraisîndî fi-aneï anîmboei. Asu muŋguambo se ahandî fi bidîfirî nou-ayei.

28 God ai bidîfirambo Kraisîndî nendî-mayei ranaheimbo rahurai yare hîningîmarearü. Weaŋgurühîdîdî ranai Kraisîndî hoafî sowandümo homo-rundeimbi, ranîkîmînîndî ranai Godîndî hoafî hoafîyeyî-rîhîndeimbi, asu ranîkîmî ra yamundu-rundeimbi, asu hepünîfeimbi moatükunî rarîhi-rîhîndeimbi, asu nindou aŋgünümbî aboedîrîhi-rîhîndeimbi, asu nindou farîhehi-rîhîndeimbi, asu muŋguambo ratüpuri aho ra hîfandîrühî-rîhîndeimbi, asu ŋgorü-poanîmbo hoafî hoafîyo-ramboaneï ranaheimbo hîningîmareandürî.

29 Awi nindou muŋguambo Kraisîndî hoafî sahümündî hei-rîhîndeimbi yangîrîyeyî anîmboeia? Awi muŋguambo Godîndî hoafî hoafîyeyî-rîhîndeimbi nindou yangîrîyeyî anîmboeia? Awi muŋguambo yamundîhi-rîhîndeimbi nindou yangîrîyeyî anîmboeia?

Awi muṅguambo hepünüfeimbi moatükunî ratüpurîyei ri hündeimbi yangîriyei animbooeia?

³⁰ Asu muṅguambo nindou ai aṅgünümboyeimbimbo aboedi-fendürimbo ṅgînindeimbi yangîriyeia? Muṅguambo nindou ai ṅgorü-poanimbo hoafi ra hoafîyei-ri hündeimbü yangîriyeia? Asu muṅguambo nindou ai hoafi ra hihi-ri foadîhi hoafîyei-ri hündeimbü yangîriyeia? E! rani-moatükunî ra ai wani.

³¹ Se moanî aboedi hamîndî moatükunî rani yangîri semîndimbo ṅgusüfo pandîhindî.

Sîhîri nindou amurambo ṅgusüfo pandîhumboane

Ṅga ro sîheimbo nahanîyo aboedi hamîndî nafi aho ranahambo nafuindahandürî samboanahî.

13

¹ Asu ro nindou ranaheimbo nindou-yei hoaf-ane, asu sünambeahîndî nendi-yomondî hoafi ranane ra hoafîyahandürühi, asu ro nindou ranaheimbo ṅgusüfo pefekoate-ayahî ana, asu ro nümüsü fandîyoanî, moanî hoafayo hoanṅo nahurai-ndamboyahî.

² Asu ro Godîndî hoafi hoafîndahandürühi, Godîndî hohoanîmo dîbo engoro ra muṅguambo fifîrarîheand-ane, asu muṅguambo fifîri fe ra fifîrarîheand-ane, asu ṅgîninîndî hamîndî anîhondümbo-riheandühi asu nîmoei-wafu nîmaroanî hoafîyahanî gorügoanîni aho-ane, asu ro nindou ranaheimbo ṅgusüfo pefekoate-ayahî ana, asu ro moan-anahî.

³ Ro wandi napo munquambo masiheheandi ra napokoate-yeimbi nindou fehefendurimbo yimbondihe, asu wandi fi ra hiniŋgi-ndiheandani nindou ai wambo haiambe mandundiranai hai tikirinda-ndirimboesi, nga asu ro ngoru nindoumbo ngusüfo pefekoate-ayahana, ra ngiri wambo aboedi fandihendiri.

⁴ Ngorumbo ngusüfo pare-randeimbi ai wari hoafeanduh-reanduh farihenduri arandi. Asu ai moai nindou ngorumbo ngusüfoambe moaruwai hohoanimo randi, asu ahandi fimbo moai boriyu randi, asu moai ahandi fimbo hihifi-hihifiyu randi.

⁵ Ai moai afindi-afindiyurandi. Asu ai moai ahandi moatükunimbo yangiri hohoanimo pare randi, asu moai nimehünou nginindiyu randi. Asu ai moai nindou ahambo moaruwaimbomarihorirannahambo hohoanimo randi.

⁶ Asu ngorumbo ngusüfo pare-randeimbi aiana nine-moatükunimboaruwai-ayoannahambo moai hihifi-hihifiyu randi, nga aiana anihondü hohoanimoannahamboane hihifi-hihifiyu arandi.

⁷ Ai ana munquambo tiriifo aho ra moanane yahu arandi, asu munquambo si aho ra Godimbo anihondumbo-riri randuhani. Munquambo si aho ra God ai fandihendirimbi yahuhaya, hifandanduh asu munquambo tiriifo ra tüküfeyoani, ai nginindi nungumboani.

⁸ Ngorumbo ngusüfo pefe hohoanimo ra ai ngiri awarindihoyo. Nga Godindi hoafi hoafombo hohoanimo ranana kikingamindimboe. Rani-poanimbo hoafina hoafi hohoanimo ranana moendindimboe. Firiife hohoanimo ranana

awarindihoeemboe.

⁹ Munngu-moatükunî aho ra moanî bidifirî-bidifirî yangir-ane fifirihumboayefî. Godindî hoafî hoafimbo ranamboanî awi moanî bidifirî yangir-ane hefî hoafiyefî arihundî.

¹⁰ Nga süngunambo nîne-moatükunî aboedî hamindî-mayo ranai tükündifeihî animbo, asu nîne-moatükunî moanî bidifirî-bidifirî yangirî hohoanîmomayefî ranai awarindihoeemboe.

¹¹ Horombo ro nîmorî-yahambe ranî-simboanî wandî hoafî, hohoanîmo, fifirife ranî-moatükunî ra nîmorî nou rasüngumarîheandî. Nga hapondanî ana ro adükarî-yahühî nîmoakîdîbou-yei hohoanîmo ra hinîngî-rîheamboanahî.

¹² Haponda munnguambo moatükunî awi moai sihîrî ndorîhu fifirihundî, nga hoehimboambe nahurai-ane hoeirîhu arihundî. Nga süngunambo animbo sihîrî Godimbo ndondîhurî ahandî ngusümboarî ra hoeindîhumboyefî. Hapondanî ana moanî bidifirî yangir-ane fifirarîheandî. Nga süngunambo-animbo ro ahambo ndondîhinî fifirîndî-hinîmboyahî, ai wambo haponda ndore fifirareandîrî nou.

¹³ Nga haponda ngîmî moatükunî nda, Godimbo anîhondümbofe hohoanîmo, Godimbo anîhondümbofehü himboyondombo hohoanîmo, asu nindou ngorümbo ngusüfo pefe hohoanîmo ra moanî koadürümbo-koadürümbo yagodîmboe. Nga ngîmî hohoanîmo ranahandambo, ngorümbo ngusüfo pefemboane ai adükarî hamîndayo.

14

Godindi hoafi hoafimbo hohoanimo pandihumboane

¹ Munḡuambo si aho ra nindou bodimondambo ḡusüfo pefembo hohoanimoyo homboane. Asu se Yifiafi Aboedindi-mayo ḡḡinindi rani semindimbo hohoanimondei ḡgei. Nga Godindi hoafi hoafiyorambo ḡḡinindi ranimbo se moani ḡusüfo pandihindi.

² Nindou düdi ai rani-poanimbo hoafinambo hoafayu ana, nindou ranaheimbo hoafiyundürühi-yupoani, nga ai Godimbo yangir-ani hoafayu. Sapo hoafi ra nindou ranai ḡḡiri fifirindhindi, nga ranana Yifiafi Aboedimayo ranahandi ḡḡinindinambo Godimbo yangir-ani dibo hoafi hoafiyundo arandi.

³ Nga asu nindou düdi ai Godindi hoafi hoafayu ana, asu ai nindou ranaheimbo anihondümbofe ra ḡḡinemindindürühi farihendürühi, asu ḡusüfoambe aboedi didiboado-rearühane.

⁴ Nindou düdi rani-poanimbo hoafinambo hoafayu ana, ai ahandi fi ḡḡinemindimbo yangir-ani hoafayu. Nga asu nindou düdi ai Godindi hoafi ra hoafayu ana, asu hoafi ranai Kraisindi nendi ranaheimbo ḡḡinindamündürimboe.

⁵ Ro siheimbo munḡuambo rani-poanimbo hoafinambo hoafindei sahehea hohoanimoayahisi, nga awi ro siheimbo Godindi hoafi hoafiyoramboanahi hohoanimoayahihabodih. Nindou düdi ai rani-poanimbo hoafinambo hoafinduanı asu nindou ḡgorü

ai hoafi ranahambo hihirifoefe hoafiyواني animbo, asu Kraisiñdi nendi munguambo ranaheimbo hoafi ra fandiñenduriñmboe. Nga nindou dudi ai Godiñdi hoafi weindahi hoafayu ranana rani-poaniñmbo hoafinambo hoafiñmbo ngasundeamboane.

⁶ Wandafi mamani, awi ro siheimbo sowahi tukundaheanduhani rani-poanambo hoafinambo hoafindahandurani ra ro ngiri siheimbo fandiheanduri. Nga ro siheimbo God ai wambo bidifiri moatukuni weindahi-mareandiri hoafi, fifirifembo moatukuni hoafi, Godiñdi hoafi hoafiyorambo hoafi asu yamundifembo hoafi ra ndahanduran-animbo, siheimbo fandiheheanduriñmboyahani.

⁷ Hoahoango rakoate-randeimbi moatukuni, numusi, fufuni, mbonifaifai ranamboani moani mamani rahurai-ane. Rani-moatukuni munguambo ranai mamikari hoafindoani ra nungundihini nindou ai himborimandei hoafi ahandi rana?

⁸ Nindou ai yifiarimbo yinafoaiyu-randeimbi ai ndofe yinafoaikoate-ayu ra, asu nindou didai yifiarimbo napo ra didiboandomanda?

⁹ Moani mare yahurai-ane, asu se rani-poaniñmbo hoafinambo hoafayei ra asu nindou amuri ai nungundihini sihei hoafi fifiri-mandihinda? Ranana se moani-po hoafindamboyafi, nga sihafani hoafi ranai moani weri-yafui nou ni-moamo ngomboe!

¹⁰ Yini, munguambo hifi ndaniñhu rani-poani rani-poani hoafi afiñd-ane engoro. Nga asu moani mamani hoafi ranai ranahandambo ni-miñdi fifirifekoate yangoro, nga wani.

11 Nga asu ro hoafi wataporayu ranahandi nimindi ra fifirifekoate-ayah ana, nindou hoafayu ranai wandi nindou amurinduan asu ro-amboa ahandi nindou amurindamboyahi. Se rani-poanimo hoafinambo wataporindeiani sheimbo yahurai tukundifemboe.

12 Nga se-amboa Yifafi Aboedindi-mayo nginindi ra semindimo hohanimo arihundi ranimoane asu se Kraisindi nendi fehefembo nginindi ra semindimbohunda tihirifondei ngei.

13 Ranimoane nindou dudi ai rani-poanimo hoafinambo hoafiyu-randeimbi ana, ai hoafayu ranahambo Kraisindi nendi ranaheimbo hihirifoefe hoafimbohunda nginindi ranahambo Godimbo didibafimbi fiyuwamboane.

14 Asu ro rani-poanimo hoafinambo didibafehandi ana, wandi yifafi ranai-ane didibafefeyo, nga asu wandi hohanimo ranai ana moani moaruwai titanimo-reamboane.

15 Asu randifeyoani ra ro nungumandihea? Ro wandi yifafi ranambo didibafinda-heamboyahisi, nga asu ro wandi hohanimo ranambo amboani didibafinda-heamboyahi. Ro wandi yifafi ranambo herunda-mboyahisi, nga asu ro wandi hohanimo ranambo amboani herundamboyahi.

16 Godimbo se sifahifi yifafi ranambo yangiri hihifariri ana, asu moaindi nindou-mayei ranai fandifeambe ngiri hoafindeihi, "Anihond-ane," mbisei se hihifiyafambe. Sapo se hoafayafi ranahambo ana nindou ranai moai fifirihindi.

17 Godimbo hihifiimbo didibafife sifahifi ra

aboedi saf-anesi, nga ngiri nindou ngorü rana-hambo ngininda-mindündürü.

18 Ro afindimboanahi rani-poanimbo hoafinambo Godimbo hoafiya arihandi ra siheimbo ngasündhea-ndürimboanahi asu ranimboanahi ro Godimbo hihifarihüni.

19 Nga Kraisindi nendi fandifeambe roana, moani nindou ai fifirihindeimbi hondahüfeimbi (5) hoafi yangiri yamundife-ndürimbo hohoanimoayah. Nga asu hoafi moani afindi hamindi rani-poanimbo hoafinambo wataporimboyo ho ana, aboedi hamindiyopoani.

20 Wandafi mamü, se nimoakidibou hohoanimoayei nou hohoanimo-ndeimboyei. Moaruwai hohoanimo aho rananimbo se nimoakidibou nou hohoanimondeihü nimboei, nga asu sihei hohoanimo ranana nindou boagiri nahurai-animbo se nimboei.

21 Ahinümbi hohoanimo sürü papirandühi yahoya, “Rani-poanimbo hoafi hoafümbi nindoundi yafambe süngu-ane, asu nindou amuriyei yafambe süngu-ane, rananimbo nindou ndanaheimbo ro hoafindahandürimboyahisi, nga asu ai ngiri wambo himborindei,” mehu Adükari ai.

22 Nga ranane asu rani-poanimbo hoafi hoafimbo nginindi ranai nindou Godimbo anihondümbofe-koate-mayei ranaheimbo nafuimbo moatükun-ane, nga asu anihondümbo-rihoreimbi ranaheimbo ana want. Nga asu Godindi hoafi hoafimbo nginindi ahei mbusümo ranai anihondümbo-rihoreimbi aheimbo nafuimbo moatükun-ane, nga Godimbo

anihondümböfe-koate-mäyei ranaheimbo ana wani.

²³ Raniimboane asu Kraisindi nendi ranai mamühi fandihindani se rani-poanimbo hoafinambo hoafaye ana, asu fifirifekoate-yeimbi asu anihondümböfe-koate yeimbi ranai tükündahi siheimbo hoeindihindürühi, ai ana hihindi-hihindiyehanei mbi-seimboyei.

²⁴ Nga muṅguambo Godindi hoafi rani yangiri hoafindeian-animbo, asu anihondümböfekoate-yumbü asu fifirifekoate-yumbü ai tükündifi-hündambo amboani asu ai hoafi ra himborindu haya moaruwai hohoanimomayu raniambohünda ṅgusüfoambe afindi hohoanimondimbui.

²⁵ Rananimbo asu ahandi hohoanimo dibo meṅgoro ra weindahindeandühi, asu ai yiri yimbu pusinde nimandumbo Godimbo hohoanimonduwohü hoafindühümboya, “Awi anihond-ane, nga God ai se-babidi sihei mbüsümo anüṅgu!” mbüsümbui.

Godimbo ratüpurü hohoanimo ra aboedi mbihowamboane

²⁶ Wandafi mamü, asu se nüngundühi ramandihinda? Muṅguambo se fandifeambe, nindou ṅgorü ai herü hohoanimonduhane, ṅgorü ai yamundiferambo hohoanimo hohoanimonduhane, ṅgorü ai God ai nini-moatükunimboyo hoafimbohünda nafuimayundoane, ṅgorü ai rani-poanimbo hoafinambo hoafimboane, asu awi asükai sapo ai hoafiyumbi hihirife hoaf-ane, muṅgu rani-moatükunü ra hoafimbeyei-amboane. Muṅgu-

moatükunî ra Kraisiñdî nendi ranaheimbo
nginimbîra-mindûramboane.

²⁷ Nga asu nindou bîdîfirî ai rani-poanimbo
hoafinambo hoafimbo hohoanîmondeihî
ana, moanî nindou yimbundafandanî
asu ngimîndîmondanî yangîr-animbo
rambîrundamboane. Nga asu moanî ngorü
ai hoafîndu kîkîndamünduanî, ngorü ai hoafîyu-
mbîrandamboane. Rananîmbo asu nindou
ngorü ai nîne hoafî ngorü ai hoafîmayu
ranahambo hîhîrîfoare hoafîmbiyu wamboane.

²⁸ Nga asu nindou ngorü ai rani-poanimbo
hoafinambo hoafînduanî ranahambo hîhîrîfe
hoafimbo nindou ranîhü nîngokoate-nduanî
ana, asu nindou ranai ranî hoafinambo
hoafîndümbui, nga moanî ai sîsîkoate
nîmandümbö-anîmbo ahandî fimboane
asu Godîmboane ranî yangîrî hoafîmbiyu-
wamboane.

²⁹ Yimbu ngimî nindou saf-anîmbo Godîndî
hoafî hoafîmbo-mayo ra hoafîmbeyo-
mondamboane. Nga asu amurî bîdîfirî ai
moanî nîmarîmombo nîne hoafî ai hoafayomo
ranahambo tümbîrundamboane.

³⁰ Nga asu nindou mamî wataporambe
amaru ahambo God ai nafuiduanî, asu nindou
nüngumbo hoafayu ranai ahandî hoafî ra awi
kîkîmbîramündu-amboane.

³¹ Rani-süngumbo-anîmbo nindou muñguambo
mamamî Godîndî hoafî hoafîndîmondanî, asu
nindou muñgu amarei ranai hoafî ranahambo
fîfirîhindühi nginîndî mbînîmboei-amboane.

³² Godîndî hoafî hoafîmbo nginîndî
sowandümondeimbi nindou ana ai moanî rana-

handi nginindi ra hifandi-mbirundamboane.

³³⁻³⁴ Sapo God ai sihefimo moai mamikariyo wakiferambo yifiriyu, nga moani aboedi ndorifehe ningomboane yifirayu.

Kraisindi nendi mungu ai fandifeambe ana, awi nimorehi ai wataporindeimboei, nga moani sisikoate nimandei. Kraisindi nendi munguambo yahurai-ane rarihi arihundi. Nimorehi aiana ngiri hoafindei sapo Mosesindi ahinumbi hoafi hoafimayo sungu ai moani nindowenihiyomondi hoarehi nimboei.

³⁵ Nimorehi ai rani-moatukuni ranahambo fifirifehu turufoefembo mbiseimbo ana, ai ahei nindowenih ranahamumbo worambe dudumbeyahi-puramboane. Nimorehi ai Kraisindi nendi fandifeambe botife hoafi ana, amoaningeimb-ane.

³⁶ Awi Godindi-mayo hoafi ra siheimbo sowahindi botife homboyo? Awi asu hoafi ra siheimbo yangiri tukufemboyo?

³⁷ Nga asu nindou mam ai rande hohoanimonduhuya, “Ro Godindi hoafi hoafiya-rihandaimb-ani,” ehuyo, asu “Yifiafi Aboedindi fifirife masahamindih,” ehu ana, refeana ai fifirimbireand-amboane, nga Adukari ai randihindi mehu hoaf-ane nda ro siheimbo suru paparhandi.

³⁸ Nga asu nindou rani hoafi ranahambo himborikoate-ayu ana, asu se ngiri ahambo himborindei.

³⁹ Ranimboane wandafi mam, Godindi hoafi hoafimbo hohoanimo ranahambo yangiri

ngusüfo pandihi ngei, nga asu se rani-poanimbo hoafina hoafimbo yowan mbiseimboyei.

40 Kraisindi nendi fandifeambe mungu-moatükuni aho ra wudi-poapondihi ndondihi randihindi.

15

Krais ai yifiyu hayamboyu asükaiyu botimefiyu

1 Wandafi mam, haponda ro siheimbo aboedi hoafi masahanduri ra asükainda hohoanimo botindihenduri samboanahi. Aboedi hoafi ra se sahümüdi hehimboyei asu se ranihihi nginindi maniboadei ranahamboanahi.

2 Aboedi hoafi siheimbo ro bokarimari-heheanduri ranahambo nginindi kikihirihümüdi aniboadei hei ana, ranambo se aboedambo-ndahimboyei. Nga refekoate-ndeian ana, ngiri fandihenduri.

3 Ro hoafi himboriya heheambo masahamindihira siheimbo masahanduri ra ai aboedi adukari moatükuni hamind-ane: Krais ai sihefi moaruwai hohoanimo ra raguanambo-fembo-hündamboyu yifimayu, sapo Godindi hoafi yare hoafimayo süngu.

4 Ahambo honguambe sihehorane, asu ranambe ngimi nimbuyu mbura asükaiyu botimefiyu, Godindi hoafi yare hoafimayo süngu.

5 Raniyu asu ai Pitambo-so boatei tüküfi mburamboyu asu süngunambo ahandi 12 süngururürundeimbimbo-so tüküme fiyu.

6 Raniyu asükaiyu ahandi wandafi mam 500 ngasündeandeimbi nindou ranaheimbo-so

tüküme fiyu. Nindou ra afiñdi ana animboei, nga asu bidifiri ana yifisafimayi.

⁷ Ranıyu ai Semsimbo-so tüküfi mburamboyu asu süngunambo ahandi hoafi sowandümo homorundeimbi-memo munquambo ahamumbo-so tüküme fiyu.

⁸ Ranıyu asu süngunambo hondü wambo-so amboa tüküme fiyu. Asu ro furambe sanqorambo hapoadümboyaha wakemindiñdirimbo nahurai-anahi.

⁹ Kraisindi hoafi sowandümo homorundeimbi-yomondi mbusümo ra akidou saf-anahi. Wambo ana Kraisindi hoafi semündü hurandeimbi mbiñsei dukandihiñdirimboyei sapo ro Godindi nendi ranaheimbo moaruwaimbomarihearü hahi ranimbohünda.

¹⁰ Nga God ai wambo moani hipoambo-mareandira ranimboanahi haponda ro Kraisindi hoafi sahamindi ha-rihandebayahı. Nga asu ahandi moani hipoambofe hohoanimo ranai moai moanimbofeyo, nga wani. Kraisindi hoafi sowandümo homorundeimbi bidifiri ai munqu moai ro ratüpurayahı nou yaru tinirifoyomo. Nga roana, wand-amboani moai ratüpurıya rihandi. Nga Godindi moani hipoambofe hohoanimo wandi fiambe amarondiñdi ranane farihendira ro rawarheandi.

¹¹ Ranane hoafi ra ro hoafiyahembü hündıyo asu ai hoafiyomondeimbi hündıyo ra sapo mani rani hoafi raniyo bokari-marıhehundi rana-hambo se anihondumbo-marıhindi.

Sihiri yifihündi botife hoafi

12 Krais ai yifimayua asu God ai honguambeahindi botimariri hoafi ra ro afindimbo hoafiyefi marihundi. Nga asu nimboe nindou bidifiri sihei mbusumo animboei ranai hoafiyehiya, “Nindou yifyoweimbi-hundi ana, ngiri asukaindo botindifeyo,” maseia?

13 Rani hoafi ra anihondumbayo-mbonana, God ai moai Kraisimbo honguambeahindi botiriri.

14 Asu Krais ai yifihundi botifekoate-mbeimbonana asu ro ngiri ninimbo hoafiyefi rihunda asu se ngiri nini-moatukunimbo anihondumbo-rihindi.

15 Rambefe-mbonanasi, asu ro Godimbo tkai hoafiyefi-rihundeimbi nindou tukumbayahu. Sapo ro ahambo anihondumbo hoafiyefuhi sefiya, “God ai Kraisimbo botimariri,” asefi. Nindou yifihundi botifekoate-mbeimbonana, God ai ngiri Kraisimbo yifihundi botiriri.

16 Nga God ai nindou yifyeimbihundi ranaheimbo botifendurira koatembei-mbonana, asu Krais ai-amboani yifihundi botimbefipoani.

17 Nga asu God ai Kraisimbo yifihundi botifikoateyu-mbonana, asu sihei anihondumbofe ranai siheimbo mbafarihenduripoani. Nga seana sihei moaruwai hohanimo ranaianimbo kikhindamindinduri ningomoe.

18 Asu anihondumbo rambefembonana, nindou didiyei Kraisimbo anihondumbo-rihor mburihu yifimayei ranai-amboani moaruwaimboyahi.

19 Sihiri ana Kraisimboanefi anihondumbo-rihuruhi himboayahundo. Nga asu Krais ai sihefimbo ndanisimboani yangiri

fehéfemuni+mbó h+mbombayefi-mbonana, asu nindou bídifiri síhefi+mbó hípoan+imboembou-anei sahümüni.

20 Hohoan+imo ra yahuraiyopoani, nga waní. Nga an+hondüyo Kraisi ai yifíyú mbura honguambeah+indi God ai bot+mariri. Nümbürambeah+indi horombonambo sesimbo moatükuni boatei nafaram+indo nahuraiyo God ai Kraisi+mbó boatei yifíyeimbi nindou ai yangiri botifekoate-yeiambe ahambo bot+mariri.

21 Nindou mamí ahandí süngu yifimbo hohoan+imo tüküme Feyo asu nindou mamí ai-amboani ahandí süngu yangiri botifembo hohoan+imo tüküme Feyo.

22 Sapo nindou mungu ai ra Adam+indi sirihünd-anei yifimayu süngu yifíyei arihündi. Nga nindou munguambo Kraisi+indi sirihünd-anei botimefiyu süngu botiyahi arihündi.

23 Nga munguambo nindou mamí ahei botifeambe botindahumboyefi. Kraisi ai boateimayu asu ai asükaindu kudüwan-animbo asu nindou ahandí sirimayei ra mungu botindahimboyei.

24 Rani-simboan-animbo mungu-moatükuni mungumboayo si ranai tükündifemboe. Rananimbo asu Kraisi ai sanendi, anani, kabomo ra hifandi-rundeimbi, munguambo ratüpurí bogorimboyafu-ndeimbi, asu munguambo ngin+indi hifandu-ndeimbi ranahamumbo hifinambo-ndeapur+mbui. Rananimbo asu ai ngin+indi hifandarandi ra Ape God+indi wariwami hin+ngindeambui.

25 Awi ranambe ana Kraisi ai bogori+mbondüfi nünngu ngumbo an+imbo, asu God ai moaruwai nendi ranaheimbo hifi+nambo-ndeandür+ haya Kraisi+ndi yirumbo hoareh+ hini+ngi+ndearümbui.

26 Amuri+ hürütümbi ranaheimbo hifi+nambo-ndeandür+ ngu-ngumbo an+imbo, asu süngunambo hondü-an+imbo yifi ranahambo amboani hifi+nambo-ndeambui.

27 Godi+ndi hoafi yare hoafi+yowohü yahoya, “God ai muᅅgu-moatükuni ahandi hoareh+ hini+ngi+mareandi,” meho. Nga God ai muᅅguambo moatükuni ranambeyupoani. Rani+imbo-an+imbo si+hi+ri fi+fi+ri+ndi-humboane, God ai muᅅgu-moatükuni ra Kraisi+ndi hoareh+ hini+ngi+mareand-anesi, nga asu ai moai ahandi hoareh+ nünngu, nga wani.

28 Nga muᅅgu-moatükuni ra Kraisi+ndi hoareh+ yangi+ri+ndoan-an+imbo, asu Godi+ndi Ni+mo+ri ranai sapo Af+ndi ai muᅅgu-moatükuni ahandi hoareh+ hini+ngi+mareandi rani+hoareh+ndümbui. Rani+imbo asu God ai ahandi+hoari muᅅgu-moatükuni aho ranahambo bogori hondündümbui.

29 Nga asu yifi+yeimbi ai boti+fekoate-ayei ana, asu nindou bi+di+fi+ri aheimbohünda hi+moni hundü+ryei ari+hündi ranai nünnguri+hi-ndühi+yeia? Asu yifi+yeimbi ai boti+fekoate-ayei ana, asu ni+im+boe nindou bi+di+fi+ri ai aheimbo fehefe-dürimbohünda hi+moni hundü+ryei ari+hünda?

30 Asu yi+hoefimbo amboa. Ro Kras+i+ndi ratü+pur+i ratü+pur+i+mayefi asu nindou bi+di+fi+ri ai muᅅguambo si aho ra moaruwaimbo-ri+himuni hei ari+hündi. Asu yifi+yeimbi nendi ranai

asükaiyo botifekoatembo-ayei ana, asu ro nimboe moani ndarihu animboefa?

³¹ Wandafi mamî, muŋguambo si aho ra ro yifimbo nahuraiya arihandi. Ra anihond-ane. Se muŋguambo Sisas Krais-babidi aniboadei ranimboanahi ro siheimbo hihifi-hihifiyahühi weindahî rarîhe hoafehandürî.

³² Efesus ŋgoafihü ro nimambeahindi ninihondi-babidi nahurai yifiarîmayahi. Ranimbo-hündambo nindouyafe hohoanimo süngu ro nini-moatükunî aboedi manda-hamindiha? Nga asu yifiyeimbihündî nindou ranai asükaindei ŋgîrî botindahindi hoafi ra anihondayo ana, ambesi, nga sihîrî moani, “Sesi dagudifi, hoe ndimîndefî raraondi hu ŋgefimboane. Nga sümbu ana awi sihîrî yifîndemboyefî,” hoafi mamî hoafîmayo süngu.

³³ Se tikai hoafi anihondumbo-ndîhimboyei. Sihîrî shefi wandafi moaruwai-mayei ranîbabidi ahahabodefî ana, asu ai shefi hohoanimo aboedi ra moaruwaimbo-ndîhimunîmboyei.

³⁴ Se wudîpoapondihi hohoanîmondeihî asu moaruwai hohoanimo ra rühüsafi hîniŋgîndîhindî. Nindou bidîfirî seana moai awi Godîmbo fîfirîhorî. Ranahandambo se amoaniŋgîmbeyei-amboane.

Fi asükaiyo botefeyo ranana ŋgorü-poanimboane

³⁵ Nindou bidîfirî ai dîdündahîndühî animboya, “Nindou yifîhündî ra nûngundîhi asükai botîmandahînda? Fi ra asükaindo botîndîfeyowohü nûngu-nahurai fi ndemîndî haya tükündîfe manîŋgoa?” mbîseimboyei.

36 Ranana hihiindi hoaf-ane? Se ra fifirowamboanafi nini-moatükuni hoari hifambe hifi kararowandi ranai yifikoate-nahuraiayo ana, asu ai ngiri yangiri aboedi tükündifeyo.

37 Se koniyo asu nini mangiriyo hifarowandi ra moai emündü dödödü kameihi hifirowandi, nga hoari yangir-ane hifi kararowandi.

38 Ranana asu God ai hohoanimomayu süngu dödödü emündü napo ra ranifih papareandi. Ranai müngu nine-moatükuni mamami hoari ranaheimbo rani-poanimbo rani-poanimbo dödödü, emündü ra sagadüri arandi.

39 Müngu-moatükuni yangiri niŋgo haya hoahoango-randeimbi ranahei fisafi ana mamasi mogodi yangiriyopoani, nga wani. Nindou ai ngörü-poanimbo fisaf-ane, ninihondi ai ngörü-poanimbo fisaf-ane, ndu napo ai ngörü-poanimboane. Asu kini ai ngörü-poanimboane.

40 Sünambeahindi moatükuni fi-poanimboane, asu hifi ndanihündambo fi-poanimboane. Nga asu sünambeahindi moatükuni ranai ngörü-poanimbo fiyomboane, asu hifi ndanihündambo moatükuni ranai ngörü-poanimbo fiyomboane.

41 Hüfihamindi ai-amboani ahandi rani-poanimbo fi anandi. Amoamo ai-amboani ahandi rani-poanimbo fi anandi. Asu mupui amboani rani-poanimbo fi anandi, nga asu münguambo mupui ra bidifiri ai ngörü-poanimbo fiyo asu bidifiri ai ngörü-poanimbo fiyo ra hoangomboane.

42 Moani yahurai-animbo nindou yifiyeimbihündi asükaindei botindahinda

tükündifemboe. Fi ra asamboefeyo rananimbo ai sümboyo-randeimb-ane. Nga asu fi ranai yangirambofe tükefeyo ranai ana sümboateyo-randeimb-ane.

⁴³ Fi asamboefeyo ranana wosihofori himboyowohü hoafendiyowohane. Nga asu fi yangiri botefeyo ranana moani aboedi himboyowohü nginindi tüküfeihane.

⁴⁴ Fi asamboefeyo ranana hifi ndanihündambo fi yangir-ane. Nga asu fi botefeyo ranana sünambeahindi fi-ane.

Hifi ndanihündambo fi-poanimboane, asu sünambeahindi fi-poanimboane rehayamboane aningo.

⁴⁵ Sapo Godindi hoafi yare hoafiyowohü yahoya, 'Weangurühididi nindou, ahandi nduri Adam ana, nindou yangiri ningombo tüküme fiyu,' meho. Nga asu ngörü Adam, Krais, aiana yangiri ningombo yifiafi saimboyu tüküme fiyu.

⁴⁶ Yifiafi hoearambe fi ranai moai raboatei tüküfeyo, nga wan. Nga hifi ndanihündambo fi raniboatei tüküfeyoane, asu süngunambo yifiafi fi ranai tüküme fiyo.

⁴⁷ Weangurühididi Adam aiana hifihündiyu tüküme fiyu. Nga asu süngudidi Adam ana sünambeahindi tüküme fiyu-ani.

⁴⁸ Hifi ndanihündambo nindou ana sapo nindou hifinambo nafiyumbihündi-mayu nahurai-anei. Nga asu nindou sünambeahindi aiana sapo nindou sünambeahindi tüküme fiyu nahurai-anei.

⁴⁹ Hapondani ana shiri nindou hifinambo nafiyumbi-mayu ranahandi fi-hoari-yefomboanefi, nga mare yahurai-animbo shiri

nindou sünambeahîndî tüküme fiyu rahurai fi-hoearî-ndemboyefî.

50 Wandafî mamî, hoafî nda ndahurai-mayowamboanahî hoafehandürî. Nindou hîfî ndanîhündambo safî horî ranî-finambo tüküfimbî nindou ranai ana ngîrî God ngînîndî hîfandarandî ranambe ngu. Asu nîne-moatükunî sümboyo-randeimbî ra asu ngîrî nîne-moatükunî sümbokoateyo-randeimbî ra ndemüdü.

51-52 Dîbo hoafî meŋgoro nda hîmborîndei, nindou muŋguambo sîhîrî ngîrî yîfîndefî. Nga muŋguambo sîhîrî ngorü-süŋgundahundühi animbo ranî-poanimbo findefî hohu tükündahumboyefî. Nîmehünou, hîmboarî dikîrîhu afarîhumîndefî nou bîdîfîranambo fufuŋî ai hoafîndoanî sîmborî tükündahumboyefî. Sünambeahîndî fufuŋî ranai hoafîndoanî animbo nindou yîfiyeimbîhündî ranai asükaindei botîndahimboyei, asu muŋguambo sîhîrî moanî ranî-poanimbo tükündahumboyefî.

53 Sümboyo-randeimbî fi ranana ngorü-poanimbo findo haya sümboyokoate-randeimbî tükümbîfeyo-wamboane. Nga asu yîfiyo-randeimbî fi rananîmbo ngorü-poanimbo findo haya yîfiyo-rakoate tükümbîfeyo-wamboane.

54 Rananîmbo sümboyo-randeimbî fi ranai sümboyo-rakoate findoanî, asu yîfiyo-randeimbî fi ranai yîfiyo-rakoate findoan-anîmbo, asu Baiborambeahîndî hoafî ranai anîhondü tükündîfemboe. Ai yahoya, “Yîfî ai awarîhoeihü yangîrî koadürümbo nîngombo ranai harîhoai tüküme feyo!” meho.

55 “Yîfî se, naha sîhafî harîhefembo ngînînda?”

Yifi se, naha sihafi nginindi moaruwaimbofe ramboa?”

⁵⁶ Moaruwai hohoanimo, ra yifindi moaruwaimbofe nginindi niminduhane. Ahinumbi hohoanimo ra nindou-yafe moaruwai hohoanimo nafuiyo arandi rananimo asu nindou ai moaruwaimbo-ndahimboyei.

⁵⁷ Sihafi Adukari Sisas Kraisindi nginindinamboyu God ai sihefimo ramareamuna yifiar-ambeahindi hamarihehundi. Nga ranimo-hundambo-animo sihiri Godimbo hihifindihurimboane!

⁵⁸ Wandafi mamai, ranimoane se akidouamboani buburindeimboyei, nga se moani nginindi hamindi niboadei. Se munguambo si ahora Adukarindi ratupuri tihirifondei nduhundi, nimboe sapo ndani-moatukuni nda se fifirihindi. Se Adukarimbo ratupuraye ra ngiri moanimbondifeyo.

16

Godindi nendi fehefembo kaki

¹ Hapondani kaki Godindi nendi Sudia hifihü amarei ranaheimbo fehefe-ndurimbohunda gugurifembo hoafinda samboanahi. Kraisindi nendi Garesia hifihü amarei aheimbo hoafimayahi nou se-amboani rasungundihindi.

² Munguambo Sande aho rananimo nindou munguambo mamai se kaki masahümündi ranahandi saimbo shei worambe bidifiri digehindi. Rananimo sungunambo ro tukundaheandani, aheimbo kaki gugurife segudurimbo ra se ngiri afuri kokoponduhundi.

³ Ranihü ro tükündaheandüh-animbo nindou se dibonimehüpuri ranai sihei-mayo kaki gugurimarihindi ra sowandümo houmbo koandiheheapura wandi-mayo ahamundi fimbo pas kameihä Serusarem ngoafnambo mbihanimo-ndamboane.

⁴ Nga asu ro-amboa hohoanimo-yahaniwani ahanihä ana, nindou ranimemo ranai ro-dibo mbikosomo-ndamboane.

Porindi hohoanimo

⁵ Awi ro Masedonia hifi mbusümo nafindahe hehea siheimbo sowahi tükündaheamboyahi, nga ro Masedonia hifinafi homboanahi hohoanimoayahä.

⁶ Awi ro moai fifirihendi, nga se-babidi akidou nimboahani ngisihari tükefeyo ra aboedindoani mangahäyo, nüngumandahe. Se-babidi nimboa mbundaha asu ro nin-nafäyo hombo hohoanimoarandiri rananimbo se wambo nafä hombo mbifarihendiri-amboane.

⁷ Roana se-babidimbo akidou yangri nimarimbo ana moeisahi. Nga awi roana se-babidi gedühä ningomboanahi hohoanimoayahä, Adükari ai rawoyafu ehu ana.

⁸ Nga awi roana, Efesus ngoafihü ndanihü nimandihani Suda-yafe adükari si Pendikos* ra tükündifeyoan-animbo ndamboyahi.

⁹ Nimboe sapo God ai nimorehi nindowenihä afindi aheimbo ahandi nindoumbofe tüküfembohünda wambo fondi masendimbo

* **16:8:** Pendikos ai Suda-yafe adükari si nübürambeahindi sesi yimungu-remindimbo si-ane.

wambo. Nga asu nindou afindi ai wambo ndan+hü hürütar+hünd+rî.

¹⁰ Nga asu Timoti ai rühi s+hei nafindüfiyuanî wanî, se ndahor+mîndei wor+nîndîhoran-anîmbo ai se-babîdî aboedî y+hîmbokoate mbînnüguwamboane. Nga ai-amboanî mare ro raweheadî nou Adükarîndî ratüpurîyu-randeimb-ani.

¹¹ Nga asu nindou ngorü ai ahambo yowanî moanîndî nindou-ani mbüsümbui. Nga se ahambo moanî aboedî fandîhehoranî ngusüfoambe afure küre haya mbüsünüwamboane. Nga ai wandafî mamî bîdîfirî babîdîmbo mbîsînnîmonda sahehea hîmboyaha-purühanahî.

¹² Haponda wandafî Aporosîndî hoaf-ane sîheimbo hoafayahî nda: Ro ahambo wandafî mamî bîdîfirî-babîdî sîheimbo sünî hoeimbîreandürî sahehea hoafîyahanowohanahî. Nga ai hombo moi yahumboani, awi hapondanambe ana. Nga awi ai nînnîsîmboanîyo hombo nafî engoro ana, ai ngumbui.

Bîdîfiranambo hoafî

¹³ Se hîbadîhündühî anîhondümbofe hohanîmo ngînnîndî kîkîhîndühümündî nîmboei. Se y+hîmbokoate moanî ngînnîndî nîmboei.

¹⁴ Se ratüpurîndeihi ra sîhei ngusüfo pefe hohanîmo ranambo yangîr-anîmbo ratüpurîndei ngei.

¹⁵⁻¹⁶ Wandafî mamî, sapo se Stefanas asu ahandî worambeahîndî-yei hoafî ra fîfirîhîndî.

Sapo ai boateiyei Akaia hifihü Kraisimbo anihondumbo-rihindeimbi tükümehind. Ai Godindî nendî ranaheimbo fehefendürimbo ratüpuri ra refembo afindî hohoanîmoyei arihündî. Wandafî mamî, ro haponda siheimbo hüti-hoafayahandürî se-amboanî yahurai nindou-yomondî hoarehî nimboei. Asu nindou düdi ai-babîdî farihoundürîhî houmbo ratüpuriyomo arundî amboanî kameihî.

¹⁷ Stefanas, Fortunatus asu Akaikus ai sihei fondihumbo sapo se ndanihü sifokoate-mayei ranimbo asu ai wambo sowana masifomondamboanahî hihifi-hihifayahî.

¹⁸ Aiyomo wambo wandî ngusüfoambe ndoru kümarundîrî sapo siheimbo ramarundürî nou. Nindou yahuraimbo-animbo nindou aboedanemo mbîsefi hohoanîmo-ndefomboane.

¹⁹ Esia hifambe Kraisindî nendî amarei ranai siheimbo hihifarihündürî. Akwira, Prisira-anafe, asu Kraisindî nendî ahafe worambe fandîhi nimarei arihündî raniamboanî Adükarîndî ndürînambo siheimbo hihifarihündürî.

²⁰ Asu wandafî mamî muᅅgu ndanihündambo amboanî siheimbo hihifarihündürî. Se Kristeniyafe hohoanîmo süᅅgu simborî wakîkihürîndei.

²¹ Ro Por-anahî wandî warînambo siheimbo hihifi hoafi nda sürü paparîhandî.

²² Nindou düdi ai Adükarîmbo aboedî hohanîmo-yondokoate-ayu ana, ai moaruwaimbo-mbîfiyuwamboane. Adükarî, se mborai!

²³ Adükarî Sisas ai ana siheimbo moanî hipoambo-mbîreandür-amboane.

²⁴ Muᅅguambo se Sisas Krais-babîdî animboei siheimbo ro ngusüfo pararîheandürî.

Godindï Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 18 Apr 2025 from source files dated 31 Aug 2023

c500d379-d0cf-5c22-9613-91d7bcc63af3